

KULIWANA CHA YOSEFWA

NA VANDUMBWENYI

...na lizu lyakutamo lya kuhanjika chindende. Kaha  Ngwapwanga najimbandu hamuliu lwola lumwe. Kaha—kaha, chimene chino, Ngukwechi kututa; kusoloka nge, kalalwola Ngwejile nakushikumuka, kumwe, muzevene muchana. Zau Ngwapwanga nakuhanjika kuli vamwe vandumbu omwo etu twapwile helu lya mahunda ku New Albany, kaha kutala hamavu muli eyi jila. Ngwambile ngwami, “Ou ukiko mulonga, kuze vene.” Echi chili kaha mbundu yayinene kusukama hano, kaha kufwika mbongi yosena. Kaha hazevene Ngwejile nakwingila muze mungalila, kupwa kaha Ngwaholokelelemo hano, yenu haze vene, talenu, cheka, haze vene Ngwejile nakwingila. Mamalelo, Ngukwechi mbalaka na kuya helu lya pili, kumwe, na chilombo. Mwomwo, etu twapwa vakakuzuzumana kaha vangeji, mwosena omwo, katweshi ngochoko? “Kutonda Mbongi yikwechi Mukakuyitunga kaha Tengi yacho apwa Kalunga.” Omu mukiko etu twazanga. Jino etu tukwechi vamwe. . .

² Shimbu kanda kutanga, chimene chino, kaha shimbu kanda kunangula cha shikola ya Chalumingo, etu tuli na—na kukunjika va kemba. Kaha ndumbwami walunga ali na umwe wamundende uze ali nakufwila kumukunjika kuli Mwata; ndumbwami walunga, mukusemuka. Kaha pamo, enu vamwe vamama na tata hano kupwa na kakandende kupwa wakukujika. Jino, lwola lwaluvulu, mu Mbimbiliya. . .

³ Kaha etu twapwile na vyakuhandunuka vyavivulu muliuka, mwomwo ya vyakutachikiza vyakuhandunuka ha lujimiko, kaha na vyangocho. Kaha, jino, vase veji kuvambatanga navo, kaha kuvasapwile kujimika cha vanyike, chize chili kukala jila enu munatondo kukunjika. Oloze, chuma chosena chili nakutwala kuchuma chimwe, kukujika kuli Mwata. Talenu? Kaha jino. . .

⁴ Mwomwo, uze kemba, nge hashili, keshi nayimweko. Yesu afwile nakumbata jishili ja kaye. Kaha kemba kalingile shiliko, chapwile kaha. . .Napu mukashili. Nasemuka kaha mushili. Oloze omwo Kulishitu afwile ha Kavali, Ikiye ambachile jishili ja kaye, kaha uze kemba keshi namulongako palanga ikiye neza nakupwa wakuhasa kulihakwila. Kaha kala kemba wamundende, chipwethuhu apwile mukashili ngachilihi, haze vene nayifwa, nachiza vene mumavoko a Kulishitu, talenu, mwomwo Ikiye afwetele ndando. Chipwethuhu kachi napu kemba nasemuka mushili, na ujila mokomoko kalachuma

chili, kachaneha chihandwako, uze kemba ali wakukingiwa na Kulishitu mwomwo Ikiye afwile nakumbata jishili ja kaye. Kaha omwo—omwo kachi ikiye mwakula jino, himwalinga shili hakapaji, kahajino ikiye atela kupihilila nakwalumuka hali chize chinalingika. Oloze kacheshi nashiliko palanga nakulu nakulinga shili, kutachikiza kuhenga nakwoloka. Oloze, jino, etu lwola lwosena tweji kwesekanga kutwama hakamwihi na Mbimbiliya hali evi vyuma, nge omu tunatachikiza.

⁵ Jino, kakweshi Chisonekako mu Mbimbiliya, cha kusapwila meya vakemba. Chuma chimwe kaha etu tunawane... Mokomoko, kakweshi lujimiko lwa kemba mu Mbimbiliya, muchifwanyisa chauchi. Chihela kaha etu tunahase kuwana, echi vachisoneka hano mu Visoneka, nge Je-... “Vakiko vavanehele kuli Yesu vana vavandende, kaha Ikiye avambachile nakuvahaka mumavoko Eyi nakuvakisula, kaha ambile ngwenyi, ‘Vetavilenu vana vavandende kwiza kuli Yami, kaha kanda muvakanyisako, mwomwo vangana vakiko vakwechi Wangana wa Mwilu.”

⁶ Jino, chize, jino, nge Ikiye ayile kuli Kalunga, kaha kutwama kulivoko lyachilyo, lelo, mumujimba Wenyi wanyama, na ha Litanda lya Kalunga, kaha Ikiye atumine Liuka Lyenyi kuya mukaye kosena kaha kutwalilaho milimo ize Ikiye aputukile hano omwo Ikiye apwilenga hano hamavu, nge, kunangula Mujimbu wamwaza, kuka vakakuviza, na kukunjika vana, na vyangocho, shikangaho vaze vakuzanga vana valombo kuvaneha vana vavandende kuli Mwata, ha kuvahana kuli pashita yavo, mumavoko eyi, kaha ikiye eji kuvazundula, ha lufwelelo, kuli Kulishitu, kaha kumulomba Kulishitu kuvakisula vakiko.

⁷ Kaha, shikaho, kachi ove uli na umwe wamundende uze—uze ove keshi wakukujika kuli Mwata ko, kaha ove unatondo kuneha ikiye shimbu ndumbwetu wapwevo mwemba ha kalyalya, *Vaneheni Vakiko Vengile*, kaha etu tunahase kwimba echi. Vangahi vatachikiza mwaso wamwaka, *Vaneheni Vakiko Vengile?* Kaha echi chamwaza. Jino, Mukulwane. na Pwevo lya Henry Branham mwaza nakuneha vavo vavandende. Kaha kala vosena vakwechi vakwechi vanatondo kuneha, chamwaza, kuyineha vene halwola luno lwakukunjika. Chosena chakwoloka.

Vaneheni vakiko vengile, vaneheni vakiko
vengile,
Vaneheni vakiko kufuma mumande a shili;
Vaneheni vakiko vengile, vaneheni vakiko
vengile, (...?...)

⁸ Ngwatondo kumilweka enu mukwavo Branham wamundende, wamundende Mary Ella Branham. Napu mwana wapwevo wa ndumbwami walunga na pwevo lyenyi wakuzanga. Chize, vakiko vaneza kulutwe chimene chino, ha liuka, kuhana

uze mukweze wamundende, kuyoya, kukinduluka kuli Kalunga, Uze avahanyine kuli vakiko.

Jino echa tunongamenu mitwe yetu katando kakandende.

⁹ Ove Tata kana wa Mwilu, nge kwimana hano kumeso ami lelo, ndumbwami walunga wakusemuka nenyi, na mwenga wenyi, pwevo lyenyi. Kaha Ove kisula nawa membo avo na Mary Ella wamundende, kuvahana vakiko kuwahilila mumakumbi aze ali kulutwe lwavo. Ngwasakwilila Ove ha kwanuka chavo kuze kamba ejile nakufuma, kaha kuneha echi lelo kuliuka, chize vakiko vanahase kuchineha cheka kuli Ove. Kaha jino Nanguhana kamba kuli Ove, mumavoko a lufwelelo, na kulomba Ove kukisula umwe wamundende ou Ngwakwate. Kaha echa echi chiyoye na kukula. Kaha kachi Yesu mwashimbula, echa akapwe ngamba ya Yove, kukuzachila Ove.

¹⁰ Kisula ise na naye. Kaha, Kalunga, hana Shipilitu Wajila Yove mwaya nakuvatwaminyina vakiko kuhichila muungeji wa kuyoya. Kaha mulikumbi limwe, omu ungeji wahamavu naukakuma, echa visaka vyavinene vyosena kukunguluka hamwe muze Muupahu. Tuhanecho echi, Mwata. Palanga luze lwola, echa mwana akule na kupwa wakukisula kuli Kalunga, apwenga wakulikangula na kujikiza, kaha kupwa chakutalilaho cha pwevo mu makumbi ali nakwiza. Kaha etu natuya nakukuhana Ove kwalisa. Mwomwo etu tuli nakuhana kamba kuli Ove jino, mu Lijina lya Yesu Kulishitu, Mwana Nove. Amena.

¹¹ Kaha Nangukuhana ove. Kalunga akukisule. Ou Mwata akukisule. Chosena chakwoloka.

Kwanuka chamwaza, omu vakiko
valinakulengajala,
Wakutuma kufuma kumwe ku mwono wami;
Nge vakiko kulengejala, kupwa hakamwihi
nayami,
Wamwaza, vyuma vyakujila kufukunuka.

¹² Omu etu tuli nakumwalisa Mwata wetu wamwaza hali vosena vavandende! Munatachikiza, chinasoloka kupwa chaungeji nge etu twapwile vavandende nge ngachize. Kaha kuli chumachimwe hali kamba ali wakuzeneka uminyi, mangana kukonekela na muyachi kana. Numba Mwata wetu avafwanyishile vakiko, kaha ambile ngwenyi, “Kuvangila enu kwalumuka nakupwa umwe wavaze vavandende,” kupwa chachashi.

¹³ Ngwatalanga wamundende Yosefwa, omu ikiye kaha kumseteko yakupwa chumachimwe, kaha naye kuyanga nakumwolola. Kaha ikiye mwaya nakuka nakujima linongo, mokomoko kalamwosena, kwivwa kaha linavete hamavu. Kaha jino kachi naye mweza na kumuveta, mokomoko chumachimwe,

ikiye mwaya nakuyina mumavoko eyi kaha kuhaka mavoko hali ikiye nge ngachize.

¹⁴ Etu twatela kutukonekela, kuli umwe namukwavo, nge ava vana vavandende, kwingila mu Wangana.

¹⁵ Jino, etu twasakwilila Kalunga hali ou kemba wamundende, Mary Ella Branham. Kaha echa ou ayoye, na kukula na kufukila, kaha kupwa ngamba ya Mwata. Kaha echa zuvo mwakulila yipwenga zuvo ya Vakakulishitu, kaha shikaho kwiza nakukula muwoma wa Kulishitu.

¹⁶ Kaha jino etu tuli... (Ngwasakwila, Ndumbu wapwevo Gertie.) Kaha jino vaze vavandende vanambate chihela chavo mukapete ka mazavu a Chalumingo.

¹⁷ Kaha kafunga ali—ali nakuvilika kuze kutangisa nachiya nakupwa lelo, kaha hamene naufuku. Musana uno, vakiko navaya... nge omu Ngunatachikiza, kakweshi kutangisako, kuvangila mwapwa wamundende mumilimo ya Louisville, nge etu kupwa na ikiye, wetu Ndumbu walunga Durban kaha vavavulu. Ngwashinganyeka vakiko vapwile nakutanga cha Chalumingo na musana.

¹⁸ Ngukwechi kusanyika chachivulu. Vathu vavavulu vali muvipango, kaha navyangocho, kupwa vakulombelela, vaze vali nakuviza na kuyanjiwisa.

¹⁹ Kutanga chami nachiya nakupwa mu Cleveland, Tennessee, kuputuka ufuku wa Chitanu chikwavo, Chitanu mbwe Chalumingo.

²⁰ Kaha jino etu tuli nakwiza kwimbo, kaha kuya ku South Bend, Indiana, kaha hamaufuku avala kuze na kukujika cha tembele; Ndumbu walunga R. E. S. Toms kufuma ku Saskatoon, Saskatchewan.

²¹ Kaha jino, kufuma haze, etu kuya ku Sturgis, Michigan, maufuku avala akuzata ku Sturgis, Michigan.

²² Kaha jino kuya ku Lima, Ohio, kuya Nakujimika vathu, muze mu Memorial Auditorium mu—mu Lima, Ohio. Chize kuputuka mu Chizeji ha twende seli, kuhita mbwe ku twende seveni.

²³ Kaha jino, kufuma haze, etu natuya ku Kungenge ya Kumulauko jino, kukuliwana chachinene mu California na Arizona. Pwenu mukulomba hali etu. Hamene... .

²⁴ Ufukuuno, ha seveni seti, nachiya nakupwa kutanga cha mukakwambulula mujimbu wamwaza hano ha mbalaka, kaha wosena vamusanyika.

²⁵ Kaha hamene na ufuku, Ngwatela ku... Nguli nakuya nakuhanjika kuli Ndumbu walunga Cauble, ha—ha mukachi kaufuku tala kutanga. Nanguya nakupwa... Chihanda chami chaputukile ha nayini, palanga pamo nayini seti.

²⁶ Kahajino Nanguya nakukinduluka kumbalaka hano, kuze kuli kuliwana nachiya nakupwa kulutwe, na kutambukila tufunga na vakakuzata vaze navaya nakupwa hano, kupwa na chihanda hamene naufuku. Kachi enu vosena mwatondo kwivwa tufunga kuhanjika na kusolola jijila javo ja kumilweka omu kuputuka mwaka wauhya, kaha mwakulingila, mwomwoika, kufuma mukwimana cha Chisoneka, mwomwoika, pwenu vakukunyuka kupwa hano hamene naufuku. Kutangisa kuputuka na seveni seti, nge omu chapwa, ha seveni seti. Kaha mwaya nakutwalilaho palanga mukachi kaufuku, ufuku wa Chalumingo, kaha jino...mokomoko, ufuku wa Chimwe, pamo. Jino, hanyima ya nayini koloko, hanyima Nanguhita na Ndumbu walunga Cauble, Nanguya nakukinduluka hano vene ha mbalaka, kuputuka, kaha pamo, pamo, kukumisa kutanga chize Ngwafwila kuputuka chimene chino. Mokomoko, Nguli...nge kumbata lwola lwalusuku.

²⁷ Nguli chindende chindende, munatachikiza, oloze Ngwazanga Echi kuya nakushikumuka mumuyachi wakwoloka wa chikuku. Shikaho, kakweshi nakutondeka kumwanga Echi kwosena. Ngwatondo Echi kusavala kuze, kaha kukula na kufukila hali Mwata.

²⁸ Jino, kuli—mukakuzata hano chimene chino, mukakuzata wamukweze uze atela kupwa, Ngwashinganyeka, mu Bel Air Motel. Ngwatela kumumona ikiye ha tu koloko, musana uno. Kaha, mokomoko, ikiye ali, oloze? Nge, omu Ngwavulyama lijina lya ndumbu walunga. Ikiye ali nakwiza kufuma ku Tennessee. Ikiye vamuhindwile muze mukuhoekoka, mukuliwana chami, kaha engilile mumulimo. Ou ndumbu walunga, kuze. Chosena chakwoloka. Echi chamwaza. Echi chili...Chize chinapu kufuma...Chapwile vavali na vatatu, chapwile? Ngwa...[Uze ndumbu walunga ngwenyi, “Seli.”—Muka.] Seli; seli mbwe fwo. Chosena chakwoloka.

²⁹ Kaha jino kuli mukakuzata mukwavo, Ngunahono kutachikiza nge ikiye ali hano mokomoko nduma. Ikiye nafumu mujila ya British Columbia. Likumbi limwe, omwo Ngwapwile nakweseka kuzata ha vindanda, vya tuvalu vamwe, Ngwashinganyeka, mokomoko chumachimwe; Ngwapwile na vevwu nge wausuku, wapwile kunyima ha mushipili waunyanga; myaka yayivulu kunyima okwo. Lunga umwe atambukile kaha ngwenyi, “Ove kaweshi Ndumbu walunga Branham ko?”

³⁰ Ngwaliwanyine na vupu ya pwevo wakalemesa munyambaulu, ambile ngwenyi ikiye kanda lyehi amone lijimo...mokomoko—mokomoko kanda lyehi amone mbongi, mbongi yayinene. Kaha Ngwashinganyeka ikiye apwilenga na fwo mokomoko faifi handulendi milosi kufuma mumbongi, pamo kuhambakana chize, mahandulendi mailosi kufuma mujila yayikalu, muze mumbongi yayindende vavuluka kupwa

East Pines. Ngwashinganyeka kuli zuvo yakutulikila yimwe kuze. Kunyima okwo, eli lizavu lyatambukile nakuya.

³¹ Kaha vakiko vali mujila yakuya ku Cuba. Ngwalikomokela kachi vakiko vali hano chimene chino, yaah, kufuma, chipwe kuhwima cha British Columbia. Hano *vene*. Chamwaza, kisula muchima wove, ndumbu walunga. Etu twawahilila kupwa na ove na pwevo lyove, kamishonali, kutambuka nakuhita. Angusanyikile, chimene chino, kufuma ku—kufuma ku Star Motel. Ou Mwata akukisule. Ngunatachikiza nge vandumbwetu vosena navaya nakupwa vakuwahilila kulimeneka mumavoko avo. Kaha lunga uze, ha chifwanyisa, kuhasa kutachikiza yami na wevwu, kupwa na kutumbununa chamwaza. Chamwaza chikuma.

³² Kaha vakiko vapwile va chindume, mujila yakuya kuze kakweshi vathu, keshi ngochoko, mujila yakuya ku East Pines. Kaha nachiya nakupwa, nachiya nakupwa chachikalu kuhanjika vathu vavandende kuli nakuhita mulifuchi, oloze, ohonyi, vakiko vapwile kuze nge mamishonali, kweseka kulinga chumachimwe ha upahu wa Kalunga. Ngwasakwilila vene na muchima wami wosena. Ngunatachikiza enu vosena mwazanga kulimeneka mumavoko na kwivwa mulifuchi lyalinene lya northwestern. Kaha, jino, kahajino va . . .

³³ Ngwafwelela naye ya Pwevo lya Roberson hanga ali nakuviza. Ngwatela kumumona ikiye musana uno, kaha anuka kumulombelela. Chize nachiya nakupwa . . . Kaha jino, nge Mwata netavila, Nanguya nakukinduluka hano cheka ha seveni seti ufukuuno. Ngwashinganyeka nyima ya McSpaddin kuze, nge omu etu natuya kukulya chaufuku na vakiko pamo na sikisi koloko, kaha kutuhana etu lwola kukinduluka.

³⁴ Kaha jino etu twatondo kutambukila Pwevo lya Burn. Ali Ndumbu walunga Burns, chimene chino? Ikiye ali hano? Eyo. Kangwakumonangako, Ndumbu walunga Burns, natwame. Ndumbu wapwevo Burns ali nakuviza chikuma, kuviza vene.

³⁵ Kaha Ngwapwile kuze ufuku ukwavo, kumona ikiye, kaha ikiye ali nakuviza chikuma. Kaha mwono waunene ikiye ali nawo. Kaha etu twatondo kalamuthu kutwalilaho kukwata kuli Kalunga, mwomwo, kusolola echi kufuma mujila eyi, kuhona kutachikiza hiya mwaya nakupwa hano; oloze nachiya nakumbata chikomwesa cha Kalunga kuneha Ndumbu wapwevo Burns kukinduluka kuliuka cheka. Echi chakwoloka.

³⁶ Omwo, lunga lyenyi wakuzanga asele chipatela kuze, muze mu Chipatela cha Veteran, na kansa, kupaisa kufwa, kaha Kalunga amuhindwile. Kaha hano ikiye ali, kunyima muliuka, kaha na kulikangula chamwaza cheka nge omu atela kushinganyeka muli elu lwola. Kaha omwo Mwata amuhindwile ikiye kumufumisa muwina waunene, na kansa muli echi, chuma chochimwe, myaka na myaka okwo.

³⁷ Kaha Ngunanuka lwola lwolumwe, shimbu Ndumbu walunga Wood natwame kuze. Ngwapwile muze mukunoka chindende. Etu twapwile mumusenge, muunyanga wa mihale, kaha Chumachimwe chahanjikile kuli yami, “Yako kwimbo.” Ngwayile kwimbo. Kaha mwomwoika Ngwatela kuya ku Louisville, Kangweshi kuhasa kutachikizako. Kaha Ndumbu walunga Wood, kukulila mu Louisville, kwendesa kamenga wakuhenga, kujinguluka, nakujinguluka, nakujinguluka kweseka kungumbata. Kaha Kalunga apwile nakungukwachilila hambango, kuvandamina Ndumbu wapwevo Burns kwiza nakungulweka. Kaha apwile wenyi, uze pwevo wamunene, uze ejile nakumulweka lunga lyenyi apwile nakufwa muze muchipatela, omwo etu twayile kuze na kulomba.

³⁸ Kaha ikiye ayile nakushikumuka, kaha ambachile chize chifwanyisa, chize Mwata ambachile chifwanyisa Chenyi, ize Panda ya mulangi wa Kakahya... Enu vosena munamono echi, Ngwashinganyeka. Kutwama hamavu. Kaha ikiye ngwenyi, “Kalunga wa Mwilu Wamwaza,” ikiye ngwenyi, “ngukafweko nguwane Ndumbu walunga Branham ha lwola lumwe. Ngwatela kulinga echi.” Kaha ikiye ngwenyi, “Kangelo ka Kalunga, ngutwaminyine kuli ikiye.” Omu mukiko chatela kupwa. Kaha ikiye kukula, kaha kuya kumbaka, kufweta mali avizachiso, kaha apwile ngeji kutwaminyina mbango yikwavo. Kaha Kalunga angutumine kufuma mumusenge, nakuya ku Louisville, kaha kungukwata yami haze halifumbila jila ha chimbwa cha ola, kutala Ndumbu walunga Wood kwalumuka nakupwa mbango yakuhenga lwola lwosena kuze, kweseka kungumbata, ikiye apwilenga. Talenu?

³⁹ Jino, etu tunatachikiza nge Kalunga natachikiza okwo mwana Neyi wamundende nasavala haze, kaha Ikiye nahase kuvandamina ove kulomba cha lufwelelo. Etu natuya nakulinga vyosena etu tunahase.

⁴⁰ Chuma chikwavo etu twatondo kuhanjika chimene chino, keshi mutwe wakunongama, oloze michima, kuli umwe hali vaze malunga va loyce uze Ngwa...umwe wavo, uze Ngwaliwanyine nenyi muchiyoyelo chami, napu Ndumbwetu walunga Higginbotham. Wenyi...Ndumbwetu wapwevo wakuzanga ayile nakupwa na Mwata Yesu. Liswalale waundume wa Kalunga; kapapa kangahi Ngwamumwene ikiye kwiza kukamenga! Kufwila chenyi chapwilenga, lwola lwosena, kupwa mumukana wakulombelela, kuze Shipilitu Wajila mwaya nakumulweka ukalu uka. Ikiye afwilile kulinga ngachize. Kaha kapapa kangahi ikiye atambukile kukamenga hano, kweseka kuwana kutumbununa cha—cha kwiza. Kaha mukuliwana chikwavo kaha vihela vyakuhandunuka ikiye esekela, oloze kachahashile kwiza kaha, kumweko.

⁴¹ Kaha jino, milungu yayindende hanyima okwo, kutambuka

muze muchipatela kuze, omwo Ngwevwile ikiye apwile wakuviza, kaha chize chapwile kukotokela muchongoloshi. Kaha omwo Ngwayile muchipatela na kutwama kusali yenyi, kuze Shipilitu Wajila ejile nakusuluka; kaha kuya vene kunyima muchiyoyelo kaha kuneha kalachuma, kaha kuchihaka vene kuze muze muukalu wapwilenga. Oloze, chuma chaungeji chapwile, Ndumbu wapwevo Higginbotham keshi numba kufwila kutwama hano chekako. Ikiye atondele kuya lika. Kuze kwapwilenga Chumachimwe kumusanyika. Ikiye akumbulwile chize kusanyika likumbi likwavo ayenga nakupwa na Kalunga. Kaha Nanguya lwola lwosena nakwanuka nge. Yaah. [Hatepu hapimbi—Muka.]

⁴² Shikangaho enu muli nakwivwa mwamupi omwo enu namwiza nakwingila mumbongi; echi vanakane Mujimbu wamwaza. Ou ukiko ukalu. Kaha kupwa wamokomoko. Lize livaji lyamu 37 kalyapwile chamokomokoko, palanga makumishilo. Oloze, eyo, echi chili chakulyenyeka, mukikovene. Kaha ou ukiko mulonga kusoneka chili hambango.

⁴³ Kaha, jino, echi chili chachipi. Kaha etu twaheta luheto, vyuma vimwe hano, oloze Ngwevwile likumbi likwavo vamwe vaze vandumbwetu kupwa na tiketi hakulongejeka kuze kusongo ya senge ya liuka. Chuma kana chasonyi! Nanguya nakufweta lize lipapilo kachi ove muya nakwecha yami kutachikiza chuma muka chapwile. Uze napu keke. Eyo, mwane. Chamwaza, etu, echi, Ngwashingtonyeka kachi va... Ngwashingtonyeka etu hanga twapwila chize. Pamo, vize vilinga kuhanjika ngocho. Koka echi hano, kaha pamo ove kaweshi kuhasa kupwa na tiketi kuze ko. Oloze Ngunawahilila etu kuya kuchihela kuze vakiko kaveshi nakwendesa nakufumisa matiketi. Keshi ngochoko? Echi chakwoloka. Chamwaza. Eyo, mwane. Jino, Kangweshi...

⁴⁴ Nguli nakuya nakweseka kuhanjika chindende, chimene chino, mwomwo Ngukwechi mutwe ututa, kaha kwimana. Kaha—kaha Ngwatondo kumbata mutwe wachihande kufuma mu Tesitamende Yamwaka, na kunangula chindende, nge Mwata netavila. Kaha jino pamo, ufuku uno, kachi kwiza nakukinduluka, nge Mwata netavila, kukinduluka mulwola, kaha keshi kupwa wakushomako.

⁴⁵ Mamalelo, Ngwashingtonyekele, nawa. Ndumbu walunga Kelly natwame haze, kaha Ndumbu wapwevo Kelly, kwiza, hano vene... Enu twayenu washiwashi nge omu munahase, hanyima yakulya chaufuku, mwomwo Nguli kaha vene kutambuka kulovoka musana uno na vyuma vyangacchize, Ndumbu walunga Kelly. Ngunanuka ufuku ukwavo, kuze, Ngwapwile nakuya nakusanyika omwo enu vosena namwiza nakwingila. Chosena chakwoloka. [Ndumbu wapwevo ngwenyi, “Unahase kwiza, Ndumbu walunga Branham?”—Muka.] Jino, echi—echi chosena chakwoloka, ndumbu wapwevo.

46 Jino, kahajino, ngulombebele, kaha lombenu...kusakula chami, cha Mwata, nachiya—nachiya nakupwa cha Ikiye, mwosena omwo Ngunahashila.

47 Jino, etu twatondo kufukununa mu Mukanda wamwaka, uze wamwaka, makumishilo...Uze Mukanda watete, Kuputuka 35, kaha etu twatondo kutanga chihanda chindende cha Visoneka hano kufuma mu Mukanda wa Kuputuka. Kaha etu twalombo nge Kalunga mwaya nakuhaka kukisula Chenyi kupwa chikuku cha chumachimwe etu twatondo kunangula.

48 Kaha vangahi vazanga shikola ya Chalumingo? Mamalelo, eyi yinapu...Vangahi vatachikiza okwo yaputukilile? Kangweshi nakumona livoko ko. Echi chinapu muyachi wa... Vangahi vatachikiza omwo vachivulukilenga? Pwevo lyami ali kulihi? Ikiye atela kutachikiza echi. Chosena chakwoloka. Echi mukiko chapwile...

49 [Ndumbu walunga Neville ngwenyi, “Ndumbu walunga Branham?”—Muka.] Yaah? [“Mishonali...Mukwavo kamishonali hano chimene chino.”] Kamishonali weka. Kalunga akukisule. [“Ndumbu walunga Naber.”] Ndumbu walunga hiya? [“Ndumbu walunga Naber.”] Ndumbu walunga Naber, alikulihi? Ove unahase kukatula livoko, Ndumbu walunga Naber? Kalunga akukisule, ndumbu walunga. Ou ikiye pwevo lyove na ove? Echi chili chamwaza. Etu twawahilila kupwa na ove na chisaka chove na etu chimene chino. Munatachikiza ove uli mupunga ya Kalunga. Talenu? Enu mwatela kupwa, omwo enu munapu kamishonali, mwamono. Mwomwo, kutuma chivene chili, “Yenu kukaye kosena na kunangula Mujimbu wamwaza kuli vathu vosena.”

50 Lunga uze apwa kamishonali! Jino, Kangwa—Kangwalizakaminako chikuma...*Kamishonali* napu lizu lya mwaza, oloze Ngukwechi lizu lya mwaza hali echi. Ove unapu kapositolo. Talenu? Echi chakwoloka. Jino, nyi aze mazu akuvuluka *kapositolo* alumbunukila ika? “Umwe uze wakutuma.” Nyi lizu lya *mishonali* kulumbununa? “Umwe uze wakutuma.” Echi chinapu chuma chochimwe. Shikaho, va mishonali, tupolofweto, vakakwambulula mujimbu wamwaza, na vakakunangula na mapashita, kutunga Liuka. Echi chakwoloka? Vapositolo, tupolofweto...vakiko vavulukile. Shikaho, kachi kaha ove unapu kamishonali, mokomoko kapositolo, ove unapu umwe wakutuma kuli Kalunga, kutuma, kaha ove unapu lwola lwosena wakwoloka. Kalunga amikisule, chikiko kulomba chami—chami.

51 Ndumbu walunga na Wapwevo Foss mujila yavo kuya ku Cuba, mumande. Kuya nakufuma mungalila yameya akulikwata kuze kukuto, muze mumisenge ya kusango, mwomwo ou Mujimbu wamwaza vatela kuunangula kukaye kwosena. Amena. Kwalumuka kana!

⁵² Ove wafuma kulihi, ndumbu walunga? [Uze ndumbu walunga ngwenyi, “Kuya ku Isalele jino, ndumbu walunga.”—Muka.] Kuya ku Isalele.

⁵³ Mamalelo, Ngunatondo . . . Talenu Mabel natwame kunyima kuze, Nanguya nakusanyika pwevo lyami na Mabel, kukwimbila ove:

Vakiko vejile kufuma Kumututuko na
Kumulauko,
Vakiko kwiza nakufuma kumafuchi
akwakusuku,
Ku chilika na Mwangana, malolwa nge angeji
Yenyi;
Omu ava vakakuzuzumana vapwa!
Kupwa meso Eyi akujilika,
Muluwa na kumunyika cha Ukalunga;
Vakukisula vakutambula ku likoji Lyenyi,
Nge kuwaha chamumuchama Wenyi
kumunyika.

⁵⁴ Kacheshi kupwa chamwazako hali lize likumbi! Amena. Ou Mwata amikisule, kuli va Isalele; kaha enu, kuchihela chize enu muli nakuya; chikiko kukisula chami kuli enu vandumbwami chimene chino. Amena.

⁵⁵ Jino, shimbu kanda etu tufukunune Mbimbiliya . . . Etu tunatachikiza echi kupwa kutanga, kaha Kalunga ali na kusoneka mukachi ka mifunda, mwamono. Shikaho, etu natutanga kaha echa Kalunga atuhane kutanga. Shikaho echa tunongamenu mitwe yetu chindende, tulombe.

⁵⁶ Ove Tata wa Mwilu, mu Lijina Iya Mwata Yesu, etu twalombo nge Ove mbata awa Mazu awa etu tuli nakutanga jino, na kuhokola Akiko mukachi ka michima yetu. Kaha echa etu tupwenga vavwovu, mukuhola, kulinyisa, nakalemesa, Kumeso Ove. Kaha echa Shipilitu Wajila ambate Lizu Iya Kalunga na kulisa muchima wosena. Haka nayami muze, Ove, Mwata? Mwomwo Ngwa chilombo echi Mulijina Iya Kulishitu. Amena.

⁵⁷ Chosena chakwoloka, etu natuya nakutanga vasi mokomoko jivali, hano, shikaho etu natuya nakumbata chikuku chindende. Kuputuka napu mbuto ya kapetulu, etu tunatachikiza. Chosena chakwoloka. Etu natuya nakuputuka na vasi 15.

Kaha lunga umwe amuwanyine, . . . tala, ikiye apwile nakulumbwangila muchipapa: kaha uze lunga amwihwile ngwenyi, ngwenyi, Uli nakutalatala ika?

Kaha amwambile ngwenyi, Nguli nakutalatala vayayami: Achingulwezeko mwane, . . . oku vali nakulishila uatanga wavimuna kulihi.

Kaha uze lunga—kaha amwambile ngwenyi, kunonyi vanafumuko lyehi; mwomwo Ngwevwanga

hakuhanjika ngwavo, Tuyenu ku Ndatane. Kaha Yosefwa akavangijile vayayenyi, kaha avawanyine ku Ndatane.

Kaha jino omu vamumwene ndola, shimbu apwile kanda ahete hakamwihi navo, halize chize... vamutwamine pungu ngwavo, vamujihe.

Kaha valyambile ngwavo, Talenu, mukakulota himweza.

⁵⁸ Kaha echa Mwata tuhane kukisula Chenyi ku Lizu Lyenyi. Jino, Kuputuka chili lwola lwosena, kuli yami...

⁵⁹ Kangwamilwekele uze kapetulu uze apwilenga? Napu Kuputuka. Ngwafwelela, kachi Ngwamwene, Kuputuka 37, kaha kuputuka na vasi 15, kaha enu lusona lwa echi. Jino etu...Ngwafwelela Ngwambile ngwami 35, kunyima okwo. Ngwapwanga na mapapilo avali. Ngu—Ngukonekelenu. Eyi Mbimbiliya yayindende ya Scofield, kaha echi chinapu chachikalu kuli yami kutanga, mwomwo Nguli na fwote, munatachikiza. Kaha yami...

⁶⁰ Vakiko vangulwekele Ngwatela kupwa na mangilasi akutangisa. Ngwayile nakupwa nakupimisa meso, omu Ngwalingile ngachize Ngwatwalileho nakushinjika Mbimbiliya yami kufuma kuli yami. Kaha uze ndotolo kungulweka nge livoko lyami kalyeshi kupwa lyakutamo kusuwa, hanyima chindende, kukinduluka. Kaha Ngwatela ku...Ngwenyi Ngwatondo mangilasi akutangisa. Ngwapimishile meso ami, kaha vakiko vawawanyine kupwa a kukupuka, 10/10. Oloze Ngwashashile kumona kambu jakusavala hamavu, kumwe, kupwa chachashi. Oloze achihakile hakamwihi nayami...Ikiye ngwenyi, "Omwo enu namupwa..." Ambile ngwenyi, "Chuma muka cheji kulingisanga jikambu kupwa na wele?"

Ngwambile ngwami, "Kangwejivako."

⁶¹ Ikiye ambile ngwenyi, "Unapu kashinakaji." Ha-ha-ha! Ikiye ambile ngwenyi, "Chize chikiko cheji kupwanga chakuhenga na meso avathu omu namuheta na kuhita ha fwote. Enu, kupwa vene, vikavizo vyenu kushikumuka. Kaha enu mwatela ku—ku kufwika na echi, mukiko kaha." Kaha Nguli kaha nakulama echi. Kaha, chamwaza, Kangweshi na lwola lwakuyako, oloze Nangu—Nanguya likumbi limwe, kaha kupwa na—na kutanga chakutangaho, omwo Nanguya nakunangula chikuma. Oloze jino Ngwatangile kutanga na kuya lika. Kaha echi chili...Ngukwechi eyi Mbimbiliya myaka yayivulu kunyima okwo, kaha chinapu vene, hakamwihi.

⁶² Jino, mu Kuputuka, *Kuputuka* kulumbununa "maputukilo," mbuto ya kapetulu. Kaha anukenu, chize, vyumavyosena vize viliko lelo, kuputuka mu Kuputuka. Wapwile maputukilo a vyuma vyosena. Yapwile maputukilo a—a ulwilo. Wapwile maputukilo a shili. Yapwile kuputuka cha kulifukula chosena.

Chapwile maputukilo a Liuka lya muchano. Lyapwile kuputuka cha liuka lya kwonga. Lyapwile kuputuka cha kwoloka. Chapwile maputukilo a kuhungumwisa. Chapwile maputukilo a vyuma vyosena, kuputuka mu Kuputuka.

⁶³ Kachi etu twapwanga na tukweji vatatu hali echi, kutwama hali ou mutwe wachihande umwe, kaha kufula echi, kukashila ku Shipilitu Wajila, ha jingoji ja Kalunga, kaha kupwa wakulifwika hamwe. Kaha tala omwo kala Lizu lili nakuhanjika mwakwoloka na Mazu akwavo. Chuma chamwaza!

⁶⁴ Eli Lizu lya Kalunga lili lya kukuhizumwisa! Chipwethuhu chisemunuino muka, lwola muka, kala muthu uze atangaho lyehi echi Kutanga, kuhichila mu... Echi vachisoneka jino ha handulendi, yaah, hakamwihi na seli sauzande, cheka, myaka. Kaha kala muthu uze atangaho lyehi echi Kutanga, mukala chisemunuino, kupwa chakuhwimina kuli Echi, talenu, kala vasi ya Chisoneka. Kakweshi chuma cheka chinahase kumbata chihela Chacho.

⁶⁵ Kusoneka chize vasoneka hanyima mulikumbi likwavo, omu chili kutanga chize chisemununino na punga yacho, chili chakukuunda. Ngunahase kusoneka mukanda kuli enu, na kuhanjika, "Ndumbwami walunga wakuzanga, lelo Ngunapunga nakuya kuchihela chimwe na kulinga munganji mukananga, lwola." Echi nachiya vene kuli enu, kaha mukiko kaha. Pamo kupwa chinjikizo cha supreme mokomoko chumachimwe, chinahase kuneha chinjikizo hali yami mokomoko yami, kwinkikiza kuli yami chumachimwe, mokomoko kwinkikiza chumachimwe hali yami, oloze kaweshi kuhasa kupwa mujimbu wakutetekelako nge nachiya nakupwa omwo nauhana kuli enu.

⁶⁶ Oloze eyi Mbimbiliya kayeshi ngochoko. Echi vanachihane kuli vathu, kaha lwola lwosena kaha muvisemunuino vyosena, mwomwo Eli linapu Lizu lya kusoneka lya Kalunga. Talenu? Mazu Eyi kaweshi kuhasa kuhonako. Vakiko kaveshi kufwako, kaha kaha kuze kuze Hayamyaka, hayamyaka na myaka, vase hanga kupwa kulumbunuka chochimwe, mwomwo Vakiko lwola lumwe vejile kufuma kumivumbo ya Kalunga. Talenu? Kaweshi kuhasa kuhonako! Shinganyeka kaha hali chize, omu Lizu lya Hayamyaka lya Kalunga linapu. Vakiko vanapu Kuyoya.

⁶⁷ Jino, lizu chumamuka? Eli lizu linapu chishinganyeka chize vanasolola. Kaha omwo Kalunga eji kushinganyekanga kala chuma, chinapu chishinganyeka. Oloze omu kusolola, kanda kupwa mokomoko kwalumuna. Echi chili vene hayamyaka.

⁶⁸ Mwomwo, lizu lyove lili lya mwaza nge omu uli. Lizu lya Kalunga lili lya mwaza nge omu Ikiye ali. Lizu lyove linapu chihanda cha ove. Lushiko lwove luli chochimwe nge omu nauhashila kupwa. Kaha lushiko lwa Kalunga lunapu chochimwe nge omu Ikiye nahase kupwa.

⁶⁹ Jino, hakupwa muthu kaha, enu munahase kulingisa lushiko kaha atela kuhokola echi, mwomwo enu muli kaha muthu. Yami ngu muthu kaha. Oloze, Kalunga, hakupwa wakuzeneka mujimba, kaha wakuzeneka maputukilo, kaha atwama kwosena, kaha ali kwosena, Ikiye kuhanjika hanjikiso, kaha Ikiye atachikiza makumishilo kufuma kumaputukilo, kaha Ikiye nahase kuulama.

⁷⁰ Apalahama avulukile vize vyuma kana vize kavyapwileko, nge omu vapwilenga, mwomwo ikiye apwilenga wakukunyuka nge, chuma Kalunga ashikile, Kalunga apwile wakutela kuzata, mwomwo Ikiye kachi kahashile lushiko kuvangila Ikiye atachikijile chumamuka nachiya nakupwa.

⁷¹ Talenu omwo etu tunahase kunoka hali Lizu Lyenyi jino? Chipwethuhu nyamanganda nayikaluhwa ngachilihi, chumamuka chakulimbalaka na Echi, kunoka vene ha Lizu. Kalunga ambile ngwenyi Echi, Hiya namono kusali yikwavo ya nyamanganda. Talenu? Shikaho, kachi ove uli nakuviza, zamina mwono wove Haven of Rest. Kachi ove uli kaha wakuvanguluka kaha wa mbongi, anuka, Ikiye ambile ngwenyi, “Nanguya nakupwa naenu lwola lwosena, na kumakumishilo akaye.” Kaha Ikiye... Ikiye ngwenyi, “Vyuma vyosena vyeji kuzachilanga hamwe nakuneha kuwaha kuli vaze vamuzanga Mwata,” shikaho enu twamenu kaha kuze.

⁷² Umwe lunga asonekele, mukakusoneka asonekele, “Chikungo chami chakwata mukachi ka lihina.” Lihina chumamuka? Echi chili chumachimwe chize chasokele hano kufuma Muze. Kaha chize chikungo chili mukachi ka lihina. Enu kamweshi nakumona omwo chili nakuya nakupwa, oloze enu munatachikiza kuze kuli chumachimwe chize chikwechi kukwachilila kuli enu, chize chikwechi Kuze.

⁷³ Kaha omu kalungalwiji kuhuhwa na nyamanganda, kulinga enu kupwa... Ngunashinganyeka pamo enu vamwe kanda lyehi mupwenga na lisesa lya kumona mbopolo yakuzama. Mamaah, yami! Ngunavakoko omu vakiko kumbila muze mukalungalwiji chikungo chakukwata nge *ngachize*, palanga chize kuhenga chachindende kuya nakuhita helu na—nakukinduka. Echi kuya nakuhita mulikimba. Oloze kachi nge chikungo nachimana, mukiko kaha nachineha chihandwa.

⁷⁴ Chipwe etu natuya kuze, mwishi ya echi, kujinguluka, mokomoko kuhichila muli echi, kacheshi chumako; chize chikungo kukwata. Muze mukiko mujila omwo nyamanganda ya kuyoya kuputukile kutunyikisa etu. Etu tunahase kuya nakuhita, etu tunahase kuya nakuhita, mwishi, nakujinguluka, oloze kupwa kaha chikungo chakukwata mukachi kalihina, kupwa chakuhona kumona. Etu tunahono kutachikiza okwo chili, oloze chili kukwachilila.

⁷⁵ Chochimwe nge kanyike wamundende walunga, munatachikiza, nge enu mwapwile na kochi. Enu mwevwa lyehi chize chishimo chamwaka, uze mujimbu. Ambile ngwenyi, “Unatachikiza ngachilihi nge ove ukwechi kandeke kusongo yacho?”

Ambile ngwenyi, “Ngunahase kwivwa kukokeka.”

⁷⁶ Shikaho, mukiko kaha. Kachi etu tunahase kwivwa echi hanga chili nakukoka, Kalunga kuzata na michima yetu, kahajino etu tunatachikiza chikungo chetu hanga chakwata.

⁷⁷ Ngwafwelela apwile Benjamin Franklin uze akwachile miveso mu mutumwa, uze amukashilenga miveso, kahya kakeji. Chumachimwe mukachi ka ikiye kusanyika, kaha ambile ngwenyi, “Kuli ngolo muli chize. Jize ngolo vanahase kupwa vakukashiwa.” Kaha kachi chili nangolo, kwasa mujijila kaha kutuva mingowa, kupula nakusokolola hamavu, chumamuka nachilingika chapwile lwolalumwe kukashiwa? Echi chili kumunyika, kaha kuveta hamavu hosena. Kaha Benjamin Franklin, Ngwafwelela, kuta ishi nandulo, na sapi kukasa kusongo ya mukila wa chize, na mutumwa hamavu kwishi. Kaha omwo ikiye ahetele chize, ikiye katachikijileko chumamuka ikiye apwile nacho, oloze ikiye aputukile kutambakana, “Ngukwechi echi! Ngukwechi echi!” Ikiye katachikijileko nomu nachiya nakupwa; ikiye katachikijileko nomu nachiya nakupwa na echi; oloze ikiye atachikijile nge ikiye apwile nachuma chimwe.

Kaha ize ikiko jila na muthu wosena uze ikiye:

Malutalililo anapu akutungiwa keshi hekako
Kuhambakana Manyinga a Yesu na kwoloka;
Kaha vyuma vyosena vyajinguluka mwono
wami navifuma mujila,
Kahajino Ikiye napu lutalililo lwami na
kutwama.

Hali Kulishitu, Lilolwa lya kukola,
Ngunemana;
Ha chihela chikwavo chili usekulula
wakushikumuka.

⁷⁸ Kusemuka chachihya, Shipilitu Wajila kumbata chihela Chacho mukachi ka muchima. Vathu vamwe vachikweze pamo keshiko, mokomoko mukweze, mokomoko pamo kuhona kutanga, numba ngachilihi chili; kakweshi numba umweko nahase kulumbununa echi, shikaho kanda kwivwa kupihya mwomwo ove uli wakuzeneka kutanga. Ove kaweshi kuhasa kulumbununa echiko. Kuze kanda kupwenga muthu oloze nahase kulumbununa, chipwethuhu wautongwe ngachilihi mokomoko wamangana. Chili chakuswama cha Kalunga. Oloze omwo eli Lizu nalimbata Kuyoya mumuchima wove, kaha enu munachimono Echi, enu kutambakana, “Ngukwechi

Echi!” Ove unahono kutachikiza chumamuka ove uli nakuya nakulinga na Echi; ove unahono kutachikiza chumamuka Echi nachiya nakulingika na ove; oloze munatachikiza chumachimwe chinasoloka, kaha enu mukwechi Echi.

⁷⁹ Jino, shikangaho, ha Lizu! Echi chinapu chamwaza. Jino etu tunaliwane na chimene chino, kaha tuli kumeso etu, mwishi ya kutachikiza, kuvishinganyeka vyami, umwe hali chize kutangisa chimwe cha Tesitamende ya Mwaka. Yosefwa (etu natuya nakuhanjika hali) *Kuliwana na Vandumbwenyi*. Kuze kunahase kupwa handulendi jijila jakuhandunuka ize Shipilitu Wajila kwingila muli echi na kusolwesa echi kumichima yetu na vishinganyeka. Shikaho, kushinganyeka echi, kupwa makumbi amandende hano, etu tunahase kuhanjika chindende chino chimene, mwomwo ya kukashika hamuliu, kaha jino pamo kukatwala cheka ufukuuno kachi kafunga keshi nachuma chimwe ha muchima wenyi, kaha pamo nakutwalilaho na kukumisa mu Chimwe naufuku, ove pwako nge Kalunga mwakuhana echi mujila kana.

⁸⁰ Jino, etu tuli vene vakutachikiza na vilinga vya Tesitamende Yamwaka, omwo chize, “Vyosena vyuma vya mwaka vyapwile muvwimbimbi,” Hepelewu 11, “muvwimbimbi wa vyuma vize vili nakwiza.” Omu chawaha echi, omu Kalunga kuneha muvwimbimbi!

⁸¹ Kaha omwo etu natwivwa ou muvwimbimbi, nge omu chapwile, etu tunatachikiza nge kuli chumachimwe kusali hano. Uze... Kalunga, muundume Wenyi, mu vishinganyeka Vyenyi vyakutamwa wakuzeneka maputukilo chipwa makumishilo, kumona chumachimwe kupwa kaha nakusoloka, Ikiye nahase kuumona. Ikiye nahase kulinga vyuma vyosena kuzata hamwe, na ndombo ya muthu, kumwalisa Ikiye, chipwe muthuumwe uze mwaya nakukuyanajisa ove kupwa wamupi. Nge omu natuya nakupwa, hanyima chindende, kachi Mwata netavila, omu uze ndumbu walunga wa Yosefwe amulingishile ikiye kupwa wamupi, kaha Ikiye alumukile kunyima nakujinguluka, kaha ambachile chize kaha kumwalisa Ikiye. Shikaho, etu katweshi nachuma chimwe cha kulizakamina hali echiko, keshi chumako.

⁸² Omwo Kalunga, kuhichila muli uze kanyike walunga, apwilenga muvwimbimbi wa kwiza cha Mwata Yesu lwola lwatete, kaha kwiza cha Mwata Yesu lwola lwamuchivali, kaha kuzata vyosena muchiyoyelo chize kutachikiza chuma hali chize chumamuka chili nakutwalilaho. Amena. Kanda kulinga chuma chimwe kuli ove, kumona wakuhutwa Yosefwa wamundende? Mwomwoika, ikiye katachikijileko chumamuka nachiya nakusoloka, mwomwoika vyuma vyosena evi vyatela kusoloka. Oloze chapwile chosena Kalunga, kuzata, kuneha, muvwimbimbi, kuneha vyuma vize vyapwilenga nakuya nakupwa.

⁸³ Kahajino enu munahase kumona eli Lizu, omwo enu namumbata Echi hano na kutanga Echi mu Kuputuka, kutanga Echi mukachi ka Mukanda, tangenu Echi kusongo ya Mukanda, kaha Lizu lyosena vanalifwiki na umwe namukwavo nge ngachize. Kaha Vachisonekele masauzande a myaka yakuhandunuka, kusali ya malunga vakuhandunuka. Talenu? Shikaho, shikangaho, mwamono echi chinapu chosena Kalunga. Umwe kuhona kutachikiza mukwavo, mokomoko kutachikiza Mukanda wapwile wakusoneka, kwauchi chuma hali Echi; lwola lukwavo, chisemunuino chikwavo.

⁸⁴ Kaha etu tunahase kumona, lelo, nge Kalunga ali nakuzata vene nge omu Ikiye alingile kunyima kuze. Etu tuli kaha nakuya, makumishilo mu mwaka wauhya, kufuma mumuvwimbimbi wa Mwaka. Kaha omwo chize mukuputuka, omwo uze Kalunga, omu Ikiye amwene shili kuya nakumbata wangana wenyi hano hamavu kaha hali vathu, omu chize kwala chachinene kuhonesa; keshi nakwenyeka, keshi kutengulula, oloze kuchongonona.

⁸⁵ Talenu, Satana keshi kuhasa kutengako. Ikiye nahase kaha kuchongonona. Kala vyuma vyosena muli nakumona, vyakuhenga, echi chinapu kwoloka vanachongonona. Talenu? Enu mwamono mukakutahisa wamwaka mujila, tupolofweto vanachongonona. Talenu? Enu kumona kalachuma kupwa chachipi, kutala muthu kuyoya mwakuzeneka kupwa muchano kulushiko na pwevo lyenyi, chize chikiko kuzeneka kwoloka kuchongonona nakwingila muuupi. Noku noku, talenu mapwevo mujila, kuzata mujila vakiko veji kulinganga na kwiza mujila vakiko vali, mapwevo vakalemesa vana chongonona.

⁸⁶ Ngwahichile mu Louisville, likumbi likwavo, pwevo lyami na Yami, kaha Ngwamwene chinjikizo ha janena, kuze etu twapwile nakwiza nakulya, mujila ya Fifite. Kaha ngwenyi, “Jimesa ja mapwevo.”

⁸⁷ Ngwambile ngwami, “Vakiko kanda lyehi vapwenga na mukakulanda.” Nduma, pwevo wakalemesa keshi kuhasa kwingila muzeko. Omwo ikiye mwaya muze, ikiye keshi pwevo wakalemesa chekako. Talenu? Shikaho, vakiko kanda lyehi vapwenga na chisemwa, mwishi ya chize chinjikizo. Mapwevo vakalemesa kavaya kuli vize vihelako. Oloze, mwamono, chuma muka nachiya nakupwa kuze, kuli mapwevo vana chongonona. Talenu? Chosena chakwoloka.

Jino, Kalunga, kulingisa vyuma vyosena kumwalisa Ikiye!

⁸⁸ Etu tuli nakuwahilila Ngishimashi, kusemuka cha Mwata Yesu. Chize, kacheshi vene likumbi lyenyi lya kusemuka Chenyi ko. Likumbi lyenyi lya kusemuka lyapwile mu Kambambanalisa. Mwomwo, echi chili kaha nge kututa mu Yuleya, mokomoko kututa mu Kuvale, kuhambakana hano. Shikaho, etu tunatachikiza chize. Enu mwamono chize chifwanyisa likumbi likwavo, ize mungomo muze mumeya amakaza, kaha vyuma vya

ngachize, mu Yuleya. Shinganyeka tufunga kupwa kuze haze hapili chipwe nge ngachize? Oloze, echi keshi likumbi lizeko. Oloze echi, lize likumbi, kachalumbunukako chikuma, echi chili na—na vilinga etu kutwala na lize likumbi vanahandununa.

⁸⁹ Jino tachikizenu. Haze vene Kalunga amwene ize mbuto ya pwevo, kaha omwo vakiko vapwile vakuzeneka kufwelela kuze na kwoloka vanachongonona, Kalunga ahanyine lushiko nge kuhichila muli uze pwevo mwaya nakwiza Mbuto ya kukisula. Enu munachivwushisa? Nakuya nakupwa Mbuto.

⁹⁰ Kaha haze vene Satana evwile chize, uze emanyine, haze vene ikiye evwile echi, ikiye ambachile mangana kwenyeka ize Mbuto. Kaha ikiye esekele kulinga echi muli Yosefwa. Ikiye esekele kuhita muchisemunuino chosena. Kaha ikiye hanga ali nakole na Mbuto ya kukisula. Amena.

⁹¹ Ngwatondo enu kuhaka musongwa mukushinganyeka chove, ha munyutu kaha jino. Nge, kuvwala litepa lya ulwilo, kaha ivwulilenu kanawa jino. Hano hakiko hali chuma chimwe chachilemu. Kaha enu munahase kukana na echi; echi chili chosena chakwoloka. Oloze, enu mwachitalisa kanawa, haze vene...

⁹² Kunapunga nge—nge kwitavila, mwomwo Eva ayoyelele chakuzeneka kwoloka kaha alingile shili. Jize jafumine kulihi? Echi chili mu Kuputuka. Malunga lelo vali nakweseka kuwana kaze kahunaho mukachi ka kanyama na muthu. Echi chinapu kusoloka. Eyi Mbimbiliya yahanjika ngwayo, nge, “Uze linoka kuhungumwisa uze pwevo.”

⁹³ Lelo, muthu nahase kuneha kuyoya cha kanyama, kaha kanyama wakulihata nenyi vakiko vatela kupwa pombo. Vakiko vanahase kupwa namuyengo wamakanya, kwendes kinga, kuvwala litepa, kusongo yacho. Echi chili kaha nge “hee” na “hwo” kutwala kukavalu. Echi chili nakwivwakana. Ikiye keshi na mwonoko. Ikiye keshi kuhasa kushinganyekako. Ikiye nahase kaha kuya na chivwumino. Ikiye keshi na mwonoko. Jino vakiko vakwechi kaze koma kakuwanyisa kahunaho, muze vene mukachi ka hano, kaze vakiko kanda vawane. Kaha sikisi sauzande vakiko kweseka kupwa nakufumisa kalizu kakandende ka pombo, kaha kuhona kulinga chize. Vakiko kanda lyehi. Oloze, etu tunatachikiza nge etu tuli kuyoya cha kanyama. Etu tuli nakutumba kuyoya, kufuma hamavu.

⁹⁴ Nge muze Ngwapwanga nakuhanjika likumbi likwavo, ha chililo cha ndumbwetu wapwevo. Etu twapwa lizavu lya sikisitini vya mavu, vya kumunyika, na maji, na vyuma kuhaka hamwe. Etu twapwile hano omwo Kalunga ahanjikile kaha ngwenyi, “Echa kupwenga,” mijimba yetu yapwilenga. Oloze Chumachimwe, kuzangama Muwongo kwingila muchuma etu tuli jino. Atangile etu na mavoko na mavoko, na vyangocho, keshi kwenyeka etu, oloze nge etu tunahase kuyoya haya

myaka. Shili yeji kwenyeka. Kaha Ikiye Uze atulingishile etu, chakuzeneka etu kupwa na—na chishinganyeka cha kupwa hano, Ikiye uze atutengele etu na kuneha vyuma hamwe na kutulingisa etu kupwa omu tuli jino; kumana Ikiye keshi chikumako, hakuhana etu kukasunuka mulisesa nakwitavila chize, kaha ha Lizu lyolimwe lize atutengele, ashikile etu nge Ikiye mwaya nakusangula etu cheka. Nachipwa ngachilihi na maji osena kwiza hamwe, kaha na atoms, na vyangocho, mu . . . ha Lizu lya Kalunga!

⁹⁵ Jino, mukuputuka, omwo Kalunga ahanjikile, kaha Satana apwile nemana haze kaha ikiye achivwile.

⁹⁶ Kaha vathu vali nakweseka kuwana echi chahoneneho. Nanguya nakumilweka, ha kusoloka, kachi enu mwatondo kutambula echi. Uze muthu wakuhonaho, mukachi ka kanyama na muthu, apwa linoka, shimbu kanda apwenga na mahinji eyi akukoka kufuma kuli ikiye. Eyi Mbimbiliya ngwayo, “Ikiye apwile kanyama wakuvanguluka chikuma hali tunyama vosena,” keshi wa mavandamavanda ko, “muze muwande wosena.” Ikiye apwilenga umwe uze ahungumwishile uze pwevo, mukuwaha chenye, kaha ikiye emichile. Kaha jino, ha kulinga chize, kaha kumona shili yapwile nakwiza, Kalunga ahakile changu hali ikiye palanga sayasi kayeshi kuwana usoko mukachi ka linoka, nge kutachikiza lelo, kaha namuthu. Oloze kuli chakuholoka chove, chakushikumuka, mukachi, kaze kali nakuvakwata kuchiyoyelo chove hamwe. Yenu haze vene.

⁹⁷ “Kalunga nachisweke echi kufuma kuli vakamangana na vakakunangakana, oloze mwaya nakusolola echi kuli vakemba vase vanahase kulinangula.” Talenu?

⁹⁸ Haze hakiko hali muthu wove wakuholoka, uze linoka. Ikiye vamunehale kufuma mujila . . . wamunene, wamunene, wamwaza, kuhambakana muthu. Kaha jino mwomwo ya echi chuma chachipi chize ikiye alingile na Eva, Ikiye amunehale ikiye nakushikumuka ku mavandamavanda, “Yako mujimo, makumbi osena akuyoya, kaha lukungu lwatela kupwa kulya chenye.” Kuze kukiko sayasi yinahase kwiza kuze, kaha mitondo yavo kuholoka hamavu.

⁹⁹ Tachikizenu, jino, haze vene uze pwevo amwene nge ikiye . . . uze . . . Jino, ikiye vamutangishile. Ikiye kanehele shili ko. Ikiye vamutangishile. Ikiye ashinganyekele nge echi chili chakwoloka. Oloze, “Alama kavamutangishileko,” ngwenyi eyi Mbimbiliya. Ikiye atachikijile nge chakuhenga, kaha ikiye apwilenga na ikiye kulinga chuma chochimwe chize chisuma alingile.

¹⁰⁰ Kaha ikiye kuneha mwana watwatwa, uze, akwechi vilinga vya liyavolo muli uze kanyike walunga. Ikiye apwile chihwanga. Ikiye apwile nalwiso. Nachifuma ngachilihi kuli uze kalwiji utoma wa Kalunga? Chatela kufuma kuli uze wamupi. Kaha

haze vene ikiye alingile echi, kahajino ikiye, uze liyavolo, azachishile chitwa chenyi.

¹⁰¹ Pwevo asemene mwaneyi walunga wamuchivali, uze apwilenga hanyima ya Alama, kaha muze mwapwile Avele. Kaha, washi washi, liyavolo esekele kwenyeka ize mbuto ya kwoloka. Kaha ikiye alumukile na kujiha Avele, kukuputuka; uze napu muyachi wa Yuta na Yesu. Kumujiha ikiye ha kamenga; kuze, Yesu, Yuta kujiha—kujiha Yesu, kumusolola Ikiye ha seti shilingi ya palata kaha kumulanjisa Ikiye. Chosena chakwoloka.

¹⁰² Oloze, talisenu. Omwo ikiye alingile chize, kahajino Kalunga, chifwanyisa cha Kulishitu, kufwa chosena na kusanguka, Ikiye akatwile Sete kumbata chihela chenyi. Talenu? Kaha liyavolo ambachile Sete.

¹⁰³ Jino tala. Kutwalilaho, shimbu kanda kwenyeka cha kushikulu, kuze kwapwilenga mukana wausuku wa vathu vase vejile nakushikumuka kuhichila muli vana va Kena, kufuma mulifuchi lya Note, kaha vakiko vapwile ma sayatisiti, vautongwe, malunga va mangana, malunga vamwaza. Vakiko kukwata vikungo. Vakiko kutunga membo. Vakiko kupwa vamwaza mukutona. Eyi Mbimbiliya ili kulutwe na kuhanjika omu vakiko vazachile na copper, omu vakiko vazachile na chikungo.

Oloze, eli lizavu likwavo lyapwile ndala muhitanganyi.

¹⁰⁴ Oloze, mazavu osena apwile vakakulifukula. Kena apwile mukakulifukula. Avele apwile mukakulifukula. Kaha Kalunga kukoka mukana, uze wapwile wakwoloka. Kena apwile muka kulifukula nge Avele. Vakiko vosena vatungile tumenga. Vakiko vosena vafwelelele muli Kalunga. Vakiko vosena valifukwile Kalunga. Vakiko vosena vanehele mawana.

¹⁰⁵ Jino tala hali jize jimbuto jivali. Umwe, kuzunga; wamupi kweseka kwenyeka Mbuto ya kwoloka. Kaha ikiye esekele kwenyeka Avele; ikiye alingile, oloze Kalunga akatwile Sete kumbata chihela chenyi. Ikiye ashinganyekele nge apwile Yesu vene kuze. Tala kushikumuka nakuhita muchisemunuino, kwosena. Ikiye, kala chihela ikiye ejile, ikiye kuneha cheka ize Mbuto. Omwo ikiye ajihile umwe, mokomoko mukwavo, ikiye ashinganyekele nge apwile na Chize. Kaha, makumishilo, ikiye—ikiye ambachile hanyima ya Yowano uze Mukakujimika, makumishilo kuvatula mutwe wenyi. Ikiye ashinganyekele nge apwile na Ikiye vene, oloze ikiye awanyine Ikiye apwile hano muli Yesu. Ikiye ajihile vakemba vosena. Kaha, Mose; ikiye esekele kujiha Mose. Ikiye esekele kala jila ikiye ahashile kwenyeka ize Mbuto, kaha omwo ikiye ajihile Kulishitu ha Kavali; oloze Kalunga amusangwile Ikiye cheka, likumbi lya muchitatu, kaha jino Ikiye atumine Shipilitu Wajila kukinduluka nakusanyika vana vamalunga na vamapwevo kuli Kalunga. Kaha liyavolo youmwe, mbuto yakulifukula kuyanajisa

Mbuto yakwoloka lelo. Enu mwamono chize? Vakiko vali nakweseka kwenyeka uze Mutango wakwoloka wa Kalunga.

¹⁰⁶ Jino, kusali josena jivali, kachi enu namutalisa kanawa, yaputukile mu Kuputuka, kulifukula kusali josena. Umwe wavo, chikungulwilo, wakuzezuka. Kaha mukwavo, kulikehesa, kutambuka mu Shipilitu, ha kusoloka.

¹⁰⁷ Kaha Avele atachikijile ngachilihi nge apwile mwana mukoko keshi mihako ya muwande? Mwomwo echi vachisolwele kuli ikiye, ha kusoloka cha Ukalunga.

¹⁰⁸ Yesu ngwenyi chochimwe, omwo Petulu alitavilile Ikiye kupwa Mwana Kalunga. Ikiye ngwenyi, “Nyama na manyinga kavyakusolwele echi kuli oveko, oloze Tata Yami ali Mwilu nakusolwelacho echi ove. Hali eli lilolwa...” Lize lilolwa, keshi Petulu, keshi Yesu ko, oloze ha kusoloka cha Ukalunga. “Nanguya na kutunga Liuka Lyami, kaha vikolo vya hetese kavyeshi kuhasako Kulifungululako.” Enu munachivwushisa? Echi chinapu kusoloka cha Ukalunga.

¹⁰⁹ Jino tala. Kala ngolo, ja lwola, kuze, vakiko valiwanyine meso na meso na kuzunga. Tala hali omwo Mowave apwile hapili, kaha Isalele apwilenga muze muchinema. Kaha Isalele kuhula kaha nge ndumbu walunga, mukweze walunga, kwiza nakuhita mulifuchi lyavo, kuya kulifuchi lya lushiko nge Kalunga avashikile vakiko; kulweka kuhizumuka chachindende muliuka, nge omu chapwile. Kupwa nakuhita mulifuchi, kaha kushika vakiko kupwa nakufweta hali uze mwila wavangombe kulesa. Kaha vakiko kuya mujila ya mwangana, kaha vyuma vize vakiko vatela kulinga nge vakiko kuhita mulifuchi, kaha vakiko navaya nakucholola. Oloze, lwiso. . .

¹¹⁰ Jino, Mowave, lifuchi lya Mowave kavapwile vyamokomoko. Vakiko vapwile nakufwelela muli Kalunga youmwe nge Isalele afwelelele, mwomwo vakiko vapwile vana vamalunga va Lote namapwevo; Lote mwana wapwevo uze nemita shimbu Lote apwile wakupenda, kuli ise. Kaha vakiko vayile kuze, kaha vakiko. . . Kuze kukiko ava va Mowave kulovoka.

¹¹¹ Kaha omwo kapolofweto kavo alovokele, mulongeshi wavo, wakulikwata mali, kaha kutwama tumenga, tumenga seveni, mukiko muli kufweta cha tumenga kupwa vene kutondewa hano. Hano mu Mowave natwame hano, lifuchi lyalinene lya chikungulwilo, vyosena vyakujikiza.

¹¹² Kaha hano hapwilenga Isalele, wamundende mukakujila wakulyalanga kukimbwojoka mujimbalaka, kufuma muchihela nakuya kuchihela. Ove ngwove, “Vakakujila vakulyalanga”? Vakiko punduvene vapwile, kachi vakiko–vakiko vavavuluka kupwa, lelo, vakakujila vakulyalanga.

¹¹³ Omwo vakiko vazaukile Kalungalwiji Uchila, kaha Kalunga azachile chikomwesa kumeso avo, Miliyame kutambula kangoma na kuputuka kuveta kangoma, kaha kulaha

nakushikumuka muchana, kutambakana na kutumbuka, na kukina mu Shipilitu. Kaha vana vamaapwevo va Isalele kumukavangiza ikiye, kutumbuka, kutambakana, kukina mu Shipilitu. Kaha Mose emanyine na mavoko eyi mwilu, pamo kwimba mulilimi lize naumwe pimbi ewwile shimbu kanda, mwaso uze naumwe pimbi ahashile kwivwushisa. Ikiye kwimba kuli Mwata, mu Shipilitu. Kachi echi kacheshi vakakulyalanga vakujila ko, Ngunahono kutachikiza okwo mwakutala vakiko. Vakiko vapwile na vinjikizo na vikomwesa na vakiko.

114 Jino, kachi Kalunga alemesa kaha chikuku, tala hano. Mowave, kuhanjika Muvisoneka, chapwilenga chikuku nge Isalele omu apwilenga. Ikiye apwilenga na vyuma vyosena Isalele apwilenga navyo. Ikiye apwile na tumenga seveni. Omu mukiko Kalunga atondele; Isalele apwile na tumenga seveni. Ikiye apwile na milambu yitoma ya seveni. Isalele apwile na milambu yitoma ya seveni. Kuli Kena na Avele, cheka. Talenu? Chosena chakwoloka. Ikiye ahanyine mambongi atanu naavali. Ikiye ahanyine mambongi atanu naavali. Ikiye ahanyine mikoko vatanu navavali, kuhanjika nge...kufwelela nge Kulishitu mwaya nakwiza. Ikiye ahanyine vangombe vatanu navavali, chuma chochimwe. Kupwa kaha chikuku nge chikukua kuhasa kupwa!

115 Kena atungile kamenga ka kulifukwila; Avele atungile kamenga. Kena ahanyine mulambu; Avele ahanyine mulambu. Avele alifukwile; Kena alifukwile. Oloze, Kalunga enjikijile, kwinjikiza nge Avele apwile kusakula Chenyi.

116 Kalunga enjikijile hano nge Isalele apwilenga kusakula Chenyi, mwomwo Isalele apwilenga na ngolo jaukalunga muchilombo chavo. Chipwethuhu, na kuluwisa chavo chosena, vakiko vapwilenga na Panda ya mulangi wa Kakahya kuvakavangiza vakiko. Vakiko vapwile na kutomesa ha kuka cha Ukalunga, kaha kulilongesa kuka cha Ukalunga; uze linoka. Vakiko vapwile na lilolwa lya kuveta. Vakiko vapwile na vinjikizo na vikomwesa muze muchilombo.

117 Omwo Yowano ejile, ikiye apwilenga waukalunga. Omwo Yesu ejile, chapwile chaukalunga. Kaha mukakole, kusali ya chikuku, lwola lwosena kuya nakujiha ngolo jaukalunga.

118 Enu mwamono omwo ikiye ali nakweseka kulinga lelo? Chize chuma chochimwe, "Kujima kuka cha Ukalunga! Kujima hali ava vathu! Kuze kakweshi chuma kuli vakiko!" Va vavalemu, vathu vavanene! "Vavafumishileko!" Ndumbu walunga, echi kacheshi chumako shina muvinyo, kuchongonona kuhichila mu Kuputuka, kwiza nakwingila mu Kusoloka.

119 Nangumbata kusali yami na vakakujila vakulyalanga!...?...Echa chipwenga kala...Kanda lyehi ngumone mukakujila wakulyalanga. Lize likiko lijina lya liyavolo kuhaka ha Liuka lya Kalunga, omu kalyapandama

kuzeko. Vakiko kaveshi vakakulyalanga vakujila ko. Vakiko vanapu vana vamaunga na vamaawevo va Kalunga, kwivwushisa hamwe na kaye.

¹²⁰ Jino, Yosefwa asemukile ise, kaha apwile wakuzanga kuli ise, kaha vamujiinile kuli vandumbwenyi. Jino talisenu, chifwanyisa chakukupuka cha Mwata Yesu. Ngwatondo enu kutalisa omu chiyoyelo Chenyi chifwanyisa, mu Tesitamende Yamwaka, vyuma vyosena vyamanyinyine jino. Tala kunyima kuze kaha kumona chize chifwanyisa; kuze kuli muvwmimbimbi, kaha enu mwamono chuma muka chili wakukunyuka. Jino tachikizenu, Yosefwa, kupwa muyachi wa Kulishitu, chifwanyisa cha Liuka, chifwanyisa cha Shipilitu Wajila. Chifwanyisa... Ikiye apwilenga mwangana wa kufukila, kupwa kaha nge Kulishitu ali, kupwa kaha nge Liuka lelo.

¹²¹ Tachikizenu, cheka, nge, omwo asemukile, ise amuzangile kaha ikiye amulingishile ikiye kupwa na chikuto cha maulombo amavulu. Jino, kuli kaha maulombo atanu naavali akukupuka mumaulombo. Veka vosena vavalingisa kupwa vaulombo. Kaha chize chikuto pamo yamaulombo muli chikiko, cha maulombo atanu naavali akuhandunuka, mifunda yamaulombo, nakwingila muchikuto chize ise amulingilile. Kachi enu namutalisa kanawa, pamo Yakova kahashile kwivwushisako luze lwola, oloze chize chinjikizo “Umwe Ashikile.” Omwo Kalunga ahanyine Nowa chinjikizo cha kongolo, maulombo atanu naavali, lwapwile lushiko, mokomoko Chivwasano Chimwe. Kalunga atungile chivwasano chize Ikiye mwaya nakwenyeka kaye cheka na meya.

¹²² Kaha chivwasano cha Kalunga vachimbachile na kuhichila muli Yakova, na muli Yosefwa. Apalahama apwile nakusakula, kaha Isaka apwile kuvulukila kwoloka, kaha Isalele apwile likoji, kaha Yosefwa apwile wakukupuka. Uze apwile umwe kaha uze apwile na maulombo.

¹²³ Etu twamono Yesu kutwama ha Litanda, na ulombo, wa kongolo hali Ikiye, mu Kusoloka 1. Echi chapwile chivwasano cha Kalunga na vathu. Kulishitu... Hano echi chili. Mamalelo, omwo Ngwatondo enu kumona echi! Kulishitu napu chivwasano cha Kalunga na vathu Jenyi. Keshi vikungulwiloko; oloze Kulishitu napu chivwasano cha Kalunga.

¹²⁴ Nge Yosefwa vamujiinile, shikaho mukiko apwilenga Kulishitu vamujiinile lelo. Vakiko kavatondele kuhanjika nge vakiko vamujiinile Kulishitu, oloze milimo yavo kwinjikiza chuma vakiko valingile. Vakiko valimbalaka kala kutambuka cha Ikiye; kuhanjika ha vilinga Vyenyi, milimo Yenyi, kuzata Chenyi chamwaza. Chamwaza, punduvene, etu tuli na Satana kuchilombo, nawa, andendele. Punduvene. Kaha nava kenjikila ku mazu a Satana. Oloze, Kangwalizakaminako chuma muka Satana eji kulinganga ku—ku kweseka kuvendejeka. Lizu lya

Kalunga kwimana chakukupuka, kaha lushiko Lwenyi lunapu lwakukupuka. Kangweshi kazanga kumbata sali yimwe na lizavuko.

¹²⁵ Talisenu, kuze Ikiye apwilenga, chize Chivwasano. “Kulishitu apwilenga nakutala ha lilolwa lya jasper na sardius,” mu Kusoloka. Lize lyapwile lilolwa lya hatulo... lilolwa lya kusemuka, mukiko, kufuma kuli Reuben kuli Benjamin. Chize chapwilenga kusoloka cha sardius na jasper, nge vakiko navasoloka hamwe mwishi ya Kumunyika cha Kalunga, alingishile chivwasano hali Kulishitu, uze kongolo. Kaha chumamuka cheji kuhanjikanga? Reuben, wamukulwane; Benjamin, kupwa mukweze! Kufuma kukuputuka nakumakumishilo, “Ikiye apwilenga umwe uze Apwileko, Ou ali, kaha Mwakaya Nakwiza; Mwiji, Mwana Ndavichi. Ikiye napu Tanganyika wa Chimene. Ikiye nafumu ku A mbwe naku Z; uze Alafwa, uze Omenga; Kalunga kusoloka kufuma kukuputuka cha lwola lwamakumishilo. Ikiye uze, chivwasano cha Kalunga na vathu Jenyi.

¹²⁶ Kaha vyuma vyosena vikwavo, Yosefwa, Ndavichi, tupolofweto vosena, apwilenga kusoloka. Amena. Kusolola, kufuma mu Mbutu ya muchano kufuma mulitepa lya Milemba, palanga lwola luze Ikiye mwakaya nakwiza lwola lwamuchivali, mu Upahu, kutambula vathu Jenyi na Liuka Lyenyi. Haze hakiko chili, chamwaza kutalaho.

¹²⁷ Yosefwa, vandumbwenyi vamaunga vapwile vakulikanga kuli ikiye. “Vakiko vamujiinjile ikiye, chakuzeneka mulonga,” mwomwo ikiye apwilenga kutwala kukuhwimina. Enu munachivwushisa? Kena vamujiinjile Avele, chakuzeneka mulonga, mwomwo ya kupwa wakuhwimina. Mowave vamujiinjile Isalele, chakuzeneka mulonga, mwomwo vakiko vapwilenga na kuka cha Ukalunga, vinjikizo, vihayamisa, na vikomwesa. Vamujiinjile ikiye, chakuzeneka mulonga, kaha kahashile kwecha ikiye kuhitako...

¹²⁸ [Ha tepu hapimbi—Muka.]... kupwa na pwevo lya ndumbu walunga. Amena. [Hatepu hapimbi.]

¹²⁹ Jino, masepa jami vakuzanga, Ngwatondo kuneha chumachimwe ku kwanuka chove, kaha Ngwatondole kuhaka mwishi na luhachi lwa muchitanu kusali yachimoswe, muze mumbalaka ya chize chihanda vavuluka kupwa muchima.

¹³⁰ Kanda lyehi, mukala chisemunuino mokomoko kala lwola, nge Kalunga ahwimina lyehi muthu, ikiye ayile kusali ya kulifukula, chikuma hali vakakulifukula mukaye. Kanda kulinga nakupwa na chikungulwilo. Lwola lwosena, ikiye emanyine nakufumbukila, na kufumbukila vikungulwilo vya likumbi, kaha kufumbukila chiyulo cha likumbi. Ngulweke yami kapolofweto umwe, ngulweke yami lwola lumwe kuhichila mu Mbimbiliya, nge kala muthu wa Kalunga afwikile na ava

vavuluka kupwa vakakulifukula kutambuka cha likumbi lyenyi. Amena.

¹³¹ Numba Elija, hanyima kutunga shikola ya tupolofweto, mwomwoika, omwo ikiye ayile kuze, vakiko vanatondo ikiye kuya. Ikiye ambile ngwenyi, “Echi chili hano vene.” Mwamono? Ahave na vatwamina ja vakakulifula mulikumbi lyenyi; Elija alisolwele lyavene, ku Pili ya Ngamela.

¹³² Tala Yowano Mukakujimika, alisolwele lyavene, kanda lyehi ayenga ku shikola yavo, kulinangula kutanga chauthu chavo. Oloze, Kalunga amutumine ikiye muze mupambo, kumuwahishila mulimo.

¹³³ Kena kuhona kupwa nakuhaka kahuma wakutanga hali muthu wa Kalunga. Echi kacheshi kuya chakutelako. Echi chakwoloka. Talisenu, kuhichila muvisemunuino.

¹³⁴ Kaha omu Yesu kwiza, Ikiye kahulile kala mukakunangula, oloze kuvasanyika, “Lizavu lya vambanda, mokomoko manoka mu mwila.”

¹³⁵ Kanda lyehi tumbaji vafwikile na kala vikungulwilo vyavo. Vakiko vapwile kusali ya Avele.

¹³⁶ Kanda lyehi Yosefwa afwikile navo. Ikiye vamuujinile na kukana, ha punga yoyimwe yize yapwile muli vakiko. Mwomwo, Kalunga apwilenga na ikiye mujila ya ngolo jaukalunga, kaha mujila jakuhandunuka kuhambakana omwo Ikiye apwilenga na vosena. Kaha vakiko vamuujinile ikiye, chakuzeneka mulonga. Kena vamuujinile Avele, chakuzeneka mulonga. Vaze vandumbwami vamuujinile Yosefwa, chakuzeneka mulonga.

¹³⁷ Kaha, lelo, kaye ka vikungulwilo, chipwethuhu wamunene ngachilihi; Nangumbata litepa lyami, na kuhanjika, “Ngwasakwilila Kalunga hali vakiko.” Oloze, mukutangisa chosena chachinene, mauka avo amanene, vyuma vyavinene; hanga, muli vyosena, Kalunga kusanyika vathu kupwa nachuma chimwe chakulinga na chize, mwomwo vakiko kaveshi kuhasa kufwika hamwe na ngolo jaukalungako. Kuli kutambuka nakuya, lelo; kaha vakiko veji kujijinda chize kutambuka, chakuzeneka mulonga.

¹³⁸ Ngwevwile muthu kuhanjika likumbi likwavo, nge kwalumuna manyinga ami kumeya, kwivwa muthu na kufungulula, mukakunangula wamunene wamu Mukakujimika mukakunangula.

¹³⁹ Kaha ikiye apwile nakuhanjika hali echi, chize, kachapwile Chisonekako cha kala muthu kulifukula kuli Maliya sanda. Omu chinapu muchano! Echi chakwoloka. Ikiye ambile ngwenyi kakweshi Chisoneka, kulifukula kuli kala muthu kuvangila Kulishitu. Echi chakwoloka. Ikiye ngwenyi, “Kalunga apwile muli Kulishitu, kaha muli Ikiye apwile kuzalilila cha Ukalunga.” Echi chakwoloka.

¹⁴⁰ Kaha jino, hanyima ya chize chamwaza, kunangula cha Chisoneka chamwaza, kwalumuka na kuhanjika ngwenyi, “Kanda lyehi kupwenga chikomwesa kulingika muno mukaye.” Mwomwo ikiye ali chachikalu na kuka cha Ukalunga, alumukile na kuhanjika ngwenyi, “Kuze kakwapwile chikomwesa chakulingika hanyima ya kufwa cha Kulishitu. Naumwe pimbi asangukile, hanyima ya Kulishitu, mwomwo Ikiye apwilenga Umwe kaha Uze apwilenga na Kuyoya cha Hayamyaka.”

¹⁴¹ Oloze Nangwamba kuli enu, ngana Yesu Kulishitu, ikiye Mwana Kalunga, amulwekele tumbaji Twenyi, “Yako nakunangula Mujimbu wamwaza; hindula vakakuviza; kaha kusangula vafu; kaha kutomesa vakambumba.” Omu mukiko Yesu amulwekele tumbaji Twenyi.

¹⁴² Omu malunga vanahase kwiza chikuma vakakulifukula vaupuputa? Vakiko kwiza na vishinganyeka vyakulondamana mwomwo kuhonesa cha vikungulwilo kaha kujinda vandumwenyi, chakuzeneka mulonga. Enu kumona chize? Shikaho kukeha, chikuma wamundende, vakiko kulinga ngachize mwomwo ya kulivwimba chavo.

¹⁴³ Mukakuzata wamunene wa lifuchi lelo, vamuhulile mwomwoika ikiye ahonene kutambula lujimiko lwa Shipilitu Wajila, hanyima yakuneha kuli malunga veka kwimana chenyi, vaze vanatambula lujimiko lwa Shipilitu Wajila. Ikiye ngwenyi, “Echi nachiya nakulemeka mulimo wami.” Kachi ove kungulweka yami, kala lwola . . .

¹⁴⁴ Echi chinahase kulemeka mulimo wa muthu hakapanji, oloze echi kacheshi kuhasa kukolesa mulimo wa Yesu Kulishitu echi chatela kuchitavila. Echi nachiya kulutwe mwomwo ya mulimo wa Yesu Kulishitu.

¹⁴⁵ Oloze ou Mukulwane Ndotolo ngwenyi uze kanda lyehi kupwenga muthu kufuma kuvafu. Ngwenyi, “Ngunatachikiza kuli lizavu lya vakakujila vakulyalanga mulifuchi lelo, vaze valivuluka nge vakiko vamwene vafu vavasangwile. Oloze,” ngwenyi, “ha! Kuze kanda lyehi kupwenga chinjikizo cha sayasi cha kuka mokomoko kalachuma cheka.”

¹⁴⁶ Jino, enu mwamono, hano echi chili, ndumbwami walunga na wapwevo. Ngwatondo enu katalisa echi kupwa hakamwihi. Mulonga uli, echi chili. Lelo, malunga . . .

¹⁴⁷ Mumakumbi a Mwata Yesu, mu makumbi a Kushika, omwo malunga vafwelelele muli Kalunga, vakiko vevwile chikomwesa kupwa nakuzata, vakiko kanda lyehi venjikize echi. Vakiko kwitavila echi. Vakiko vafwelelele chize, mwomwo vakiko vatachikijile nge Kalunga apwilenga.

¹⁴⁸ Oloze, lelo, lize lizavu lyakuzeneka kufwelela kupwa nakwingila mukutambu chakulifukula, kaha ikiye ali nakweseka kwinjikiza vyuma vya sayasi.

¹⁴⁹ Kaha echa nguhanjike echi, nge omu chili nakwiza kufuma Mwilu, Ngwafwelela, mumuchima wami. Kuze kakweshi lwola luze vahashile kupwa nakwinjikiza. Mwomwo, kachi ove unahase kwinjikiza Kalunga, kahajino Ikiye keshi kwitavila ha lufwelelo ko; echi chinapu chinjikizo. Etu twafwelela Kalunga na vikomwesa Vyenyi, ha lufwelelo. Etu tweji kuvulukanga vyuma kana vize kavyeshiko, nge kuvyatwama, mwomwo Kalunga ngwenyi shikaho; chipwe chipwenga ngachilihi.

¹⁵⁰ Apalahama kuhasa kwinikiza nge Sala mishisa ya mavele kayapwile yakumako. Ikiye kuhasa kwinjikiza ize—ize mishisa, na vyangocho, kwiza nakwimita. Vakiko, ikiye ahashile... Vakiko kavahashile kwinjikiza na chizeko. Vakiko vahashile kwinjikiza pamo, ha kweseka cha mbuto, nge vakiko vapwilenga na wilo. Oloze ikiye afwelelele echi, mwosena omwo, kaha kukana kalachuma chize chapwilenga chakulimbalaka na echi, kaha kuvuluka vize vyuma vize kavyapwilengako, chipwe vakiko vapwile. Mwomwo, mukachi ka lihina, lutalililo lwa Kalunga kunokela ha Lizu lya Kalunga, kaha kuvuluka vize vyuma, vya sayasi mokomoko chiku, “Ou muchano, mwomwo Kalunga ahanjika ngocho.” Yenu haze vene.

¹⁵¹ Etu twafwelela. Ha lufwelelo etu tunatambula echi. Oloze, kachi ndumbu walunga, keshi kulipika na ikiyeko, Kangwafwelela muli chizeko. Oloze kachi ndumbu walunga mwaya kaha nakutanga chize omwo Paulu apwile wakwasa malolwa palanga nakukufwa, kaha vakakujila vemanyine hali ikiye na kulomba palanga kuyoya nachiza cheka muli ikiye. Omu Paulu anangwile ufuku wosena, ufuku umwe, kaha lunga umwe kuholoka kufuma helu kaha kumujiha lyavene, mukweze walunga; kaha Paulu ahakile mujimba wenyi hali ikiye, kaha Shipilitu ya kuyoya akindulukile muli ikiye cheka. Omu Elija akatwile kema ya pwevo hanyima ya kufwa, na myaka eyite handulendi shimbu kanda Kwiza cha Kulishitu. Malunga, numba chakuzeneka kukisula cha Shipilitu Wajila, kulinga vikomwesa vize vakweze vali nawoma wa kutuluka na Shipilitu Wajila. Yami, yami! Omu chili chakeke!

¹⁵² Mwomwoika? Echi chili mwomwo vakiko vanapu vakulikanga, kaha vakiko vamujinjile vandumbwenyi, chakuzeneka mulonga; chochimwe nge Yosefwa omu vamujinjile, chakuzeneka mulonga. Enu mwamono echi? Ikiye vamujinjile. Keshi mwomwo ikiye apwilenga wakutela kumujinda; mwomwo, chakuzeneka mulonga. Vakiko kavafwelele ikiyeko. Ikiye apwilenga nakuyoyela mwakuhandunuka.

¹⁵³ Kaha Ngulinakuhanjika echi, jino, nge lwola lwetu lunahete. Nanguhanjika echi na muchima wamuchano. Vakiko kujinda Liuka, lelo, chize chikwechi ngolo jaukalunga. Luze lunapu lwiso. Lunapu lwiso vene, kaha nalusoloka mukachi ka muthu.

¹⁵⁴ Vaze tumbaji vapwile nacho. Vakiko vapwile nasonyi hali vavene! Mwomwo, makumbi likumi shimbu kanda, Kalunga avahanyine ngolo ja kuhindula vakakuviza, na kutapula va ndemone, na kusangula vafu. Kaha vakiko vapwile na kanyike wa kutunya kumeso avo, kaha ahonene. Kaha Yesu, omwo Ikiye ejile nakushikumuka kufuma kupili, kaha ahindikile uze kanyike walunga. Kaha vakiko vamuhulile Ikiye, “Mwomwoika etu twahonene?” Ikiye kahanjikile ngwenyi, “Ngwa—Ngwakindulwishile Ngolo jami.” Ikiye ambile ngwenyi, “Nangukuhana Ngolo.” Ngunakulweke okwo Ikiye eji kuhananga Liuka, oloze enu kamweshi kuhasa kungulwekesa yami kuze Ikiye akindulukile. Talenu? Chuma muka Yesu anokese Mazu Eyi? “Mwomwo ya kuzeneka kufwelela chenu.”

¹⁵⁵ Kaha jino, makumbi amandende kufuma haze, vakiko vawanyine muthu uze kapwile museteko yavakakutanga. Ikiye evwile Yesu kuvuluka vyuma kana, kaha ikiye apwile na mulimo wakulinga. Ikiye apwile na kutapula maliyavolo. Kaha Petulu na Yowano ejile nakumulweka ikiye nge ikiye atela kupandama kulizavu lyavo mokomoko ikiye kahashile kulinga echiko. “Enu namuya nakupwa nakukavangiza etu na kulinunga na etu. Etu twapwa liuka, kaha enu mwatela kulinga echi!” Ikiye echele vakiko kutachikiza kupwa kumulimo wavo. Ikiye apwile nakupwa kanawa chakuzeneka kulinunga na chikungulwilo chavo.

¹⁵⁶ Shikaho, nge vavandende, pwevo wamwaza, nge omu tuli lelo; wamundende, na vishinganyeka vya vanyike, kulaha nakukinduluka kaha ambile ngwenyi, “Etu twamuwana ikiye, kaha ikiye vumumbile vandemone.” Kaha chuma muka echi? Vakiko vapwile nalwiso mwomwo ikiye apwilenga nakulinga chuma vakiko vahonene kulinga. Vakiko vapwile na chisemwa. Meso avo, amichima yenu, apwile nge vandumbwami va Yosefwa, tele kanda vamunyikilile lyehi, shikaho vakiko vakindulukile na kuhala hali ikiye, kaha amulwekele Yesu.

¹⁵⁷ Kaha Yesu ngwenyi, “Echenu ikiye ukawenyi.” Amena. “Ikiye ali nakuzata mulimo wamwaza. Ikiye ali nakulinga chuma muka Ngwakulwekele ove kulinga, kaha ove kaweshi kuhasa kulinga echiko.” “Kalunga ali wakutela kufumisa kuli awa malolwa kupwa vana va Apalahama.”

¹⁵⁸ Shikaho jino, enu vami vakuzanga Mesondisiti na Mbaputishiti na Pulishiteliyani vandumbwami, mwomwo ove unashinganyeka echi chatela kwiza kuhichila mu liuka lyove, Kalunga ali wakutela kufumisa kuli vaze vakakujila vakulyalanga kukatula malolwa kuli Apalahama. Echi chakwoloka. Ikiye mwaya nakupwa muthuumwe uze mwaya nakuzata mulimo Wenyi. Echi chakwoloka. Nakuhona chosena na kuhonesa na kalachuma, vakiko kupwa, shikaho kupwa Isalele kupwa chuma chochimwe, oloze ize Mbuto ya kwoloka ili nakutambuka.

¹⁵⁹ Ngunawahilila chikuma Nguhanjike Nguli umwe wavo. Ha likoji lya Kalunga, lelo, etu tuli umwe wavo. Ngunawahilila hali echi, kaweshi ngochoko? Muchima wami wawahilile, ha kuputuka cha uno mwaka wauhya, kutachikiza nge Kalunga, kuhichila mu likoji Lyenyi lyakukomwesa, kuhaka lijina lyami mu Mukanda wa Kuyoya, kuhana kwivwushisa chize Nguli wakulikata mukachi kavathu Jenyi vaze vanavuluka. Kaha, na tumbaji, Ngunahase kuhanjika echi, Ngunalave eli lisesa lya kupwa na kutoleka cha Lijina Lyenyi. Eyo, mwane. Ngunawahilila chikuma Yami umwe wavo.

¹⁶⁰ Kaha jino etu tuputuke hano na Yosefwa, mukutanga nachishisaho, echi chinahase kupwa ufukuuno mokomoko ufuku wa Chimwe, umwe, mwomwo lwola lwetu lunahete.

¹⁶¹ Oloze, Ngwamuzanga Ikiye. Ove kawamuzanga Ikiyeko? Ikiye ali wamwaza. Kaha Ngunawahilila lelo nge Ngunahase kulinunga mavoko na luzu lwola lwakutoleka na kukana, kaha vamujinjile hakujinda kuhita mulifuchi. Hano vakiko vapwa. Vakiko vashikumuka. Echi chakwoloka. Vaze vakakutanga, kuhanjika mwakaye, shikola, kaha mukuyoya kuhanjika, vakiko kupwa helu yavakiko. Kaha etu twawahilila kupwa vakulikehesa. Mwomwo, vaze navaya nakulikehesa vavene, Kalunga mwaya nakwiza likumbi limwe kamuchivali, mu Upahu, kulwekesa Liuka Lyenyi. Palanga jino, “Echa tupandame chikuma kupwa Lufwelelo luzu vahanyine kamwe kaha kuli vakakujila.”

Echenu tulombe.

¹⁶² Jino na mitwe yetu yakunongama, Ngwalikomokela kachi kuli umwe chimene chino, mokomoko vavavulu, Ngwafwelela, uze kanda lyehi etavile ou Kulishitu, kaha kukisula Chenyi chachinene na ngolo Jenyi jajinene. Kaha etu tuli nakulikomokela, lelo, kachi enu namusakula lelo, kaha kuhanjika, “Mwata Yesu, echi chili Yami. Kaha Kufwila kupwa ngamba Yove, na muchima wami wosena, kumbata jila yimwe na vaze vavandende vakutoleka va Mwata vavandende. Ngwamono jino, Mwata, echi kacheshi chikiko kaye nakahanjikako; shina omu Mbimbiliya Yove yahanjika. Echi kacheshi chuma kaye veji kunguvuluka yami. Vakiko veji kungujinda, nge omu Yosefwa alingile. Vakiko vangujinda, nge omu vakiko valingile na Avele. Vakiko veji kungujinda, nge omu vakiko valingile Yowano. Vakiko veji kungujinda, nge muze vakiko valingile na Ndanye. Vakiko veji kungujinda, nge omu vakiko valingile Ezekiel, nge Zakaliya. Vakiko vangujinda, nge omu vakiko valingile Yesu. Vakiko veji kungujinda, nge vakiko valingile vapositolo na vaze vakavangijile Ove, chakuzeneka mulonga. Mwata, Ngwavalombelela vakiko.”

¹⁶³ Ove unatambula lyehi kutachikiza nge ngachize, nge ove unalovoka? “Kaha etu tunapu muka wangana, lifuchi

lyajila, kuhana milambu ya mushipilitu kuli Kalunga; ize ili, mihako ya mivumbo, kuhana Ikiye kwalisa.” Munahase kwimana mukachi ka kaye kakuyanjisa? Munahase kwimana kumeso a mukulwane wove? Munahase kwimana na kulikehesa mumuchima wove, na zangi mumuchima wove, hali vakashili vamuno mukaye, na Kuyoya cha Kulishitu mukachi kenu, na kuhana unjiho na kwalisa ku upahu wa Kalunga? Kachi ove kaweshi nakutachikizako, mwomwoika unahonene kuputuka kaye, kuyoya, vyuma vyosena vyavihya, lelo, ha kuzundula livoko kuli Ikiye, nakuhanjika, “Nguli jino, Mwata, kwitavila echi, kaha kutonda Ove kunguhana lujimiko lwa Shipilitu.”

¹⁶⁴ Jino, Tata wa Mwilu, Liuka lyalindende linemana chimene chino, etu tunatachikiza, vambumbachile, vamulozele, uze mukakole namunyikisa, kwasa uta. Kaha etu twalombo ha myono yavo yashili, Mwata. Vakiko vanahono kutachikiza nge vakiko vali tupuputa kuli kalunga wa kano kaye.

¹⁶⁵ Lize Liuka, hakupwa hatoma, kwosena kukaye lelo; uze mukakole, vathu vakulifukula, vanavase kala likunga hali vakiko. Oloze mwishi yavyosena evi, kuhizumuka chachinene kutambuka nakutwalilaho. Masauzande kulinyisa, vakuhutwa, vakanyine vana kuholokela muvihela, kaha kumona livoko lya vikomwesa Vyove, napunga wakuzala na Shipilitu Wajila. Kaha vakiko kaveshi cheka mukayeko. Vakiko vali vakakuzuzumana kaha vangeji. Vakiko kavazakamako mwomwo kaye, oloze vakiko vali nakutonda Mbongi kwiza, yikwechi Mukakutunga na Mukakuyitunga apwa Kalunga. Vakiko vanamono ngolo Jove jakuka, kuhindula vakakuviza, vinjikizo Vyove na vikomwesa kuzata mukachi kavathu Jove. Hana vyuma kuhokola khuli, muze vene muvihela kuze vakiko kupaisa kaha kweseka kukwata chize kushikumuka. Vangamba jove kutambuka nakuya nakwingila na kutwama kuhizumuka, kaha vakiko kuhita mwakulikehesa mu Wangana wa Kalunga.

¹⁶⁶ Mukachi ketu chimene chino, etu tuli nauselewa kupwa nava mishonali vaze vali nakuseza lifuchi likwavo.

¹⁶⁷ Umwe, kuseza Isalele. Ove Kalunga, kuze echi chili. Kuhingununa Shipilitu Yove, na ikiye, Mwata. Kaha echa vyuma vyavinene kukuma, kaha kulingisa vaze vakuhutwa Vayuleya kukimbwojoka nakukinduluka. Echa vakiko vatambule Shipilitu Wajila, nge omu valingile vakakuluka javo ha kuputuka.

¹⁶⁸ Hano hali ndumbu walunga kuya nakulovoka mu Cuba, kuweluka wa lifuchi. Ove ngwove, “Kusongosongo ya mavu.”

¹⁶⁹ Chumachimwe kukoka, kukoka muchima wa vandumbwetu. Kuseza membo avo, vaze vavo vakuzanga, keshi chiseke na lwola lwamwazako lwa kaye, oloze kuya nakupwa mu mafuchi amunda kuze; mwishi ya kuhonesa, kweseka kwimika mulimo. Oloze kupwa kaha nge ngombe uze anehale litemba

cheka, na jishimbi hali echi, kaha chikasha cha lushiko, vakiko vasele vavo vavandende kutambakana, kaha vakiko kuya nakushikumuka mujila, kushikumuka, kwimba, kuya nakushikumuka ku Lilolwa.

Etu twasakwilila Ove hali kala mukakuzata.

¹⁷⁰ Etu twamono kutwama kunyima muvikungulwilo vyetu, Ndumbu walunga John, chimene chino, nawa, kulovoka mu Germany. Omu ikiye apwile wakukulisa, wakuputwa. Kukoka kachikolo kakandende kusali ya lifuchi, kunangula Mujimbu wamwaza. Ngwasakwilila Ove hali ikiye!

¹⁷¹ Kaha vase vakweze vamaunga, kaha vakakuzata veka hiya vanatwame hakamwihi, kaha vosena kupwa nakuhona kutachikiza. Omwo Ngwamuhulile, Tata, kufwelela chize mwishi ya lwola nge ngana, nge kachi lunga mokomoko pwevo kapwile na Kulishitu mukachi ka muchima wavo, vakiko kachi vanazundula livoko lyavo, punduvene, kumona chinjikizo chosena cha Mujimbu wamwaza, nge Ove unapu youmwe kaha Liuka Lyove linapu youmwe.

¹⁷² Ngwasakwilila Ove hali wosena. Ngwalombo nge Ove muya nakuvakisula. Kaha hindula mijimba yavo kachi vakiko vali nakuviza, kaha kuvahana vakiko kufwila cha michima yavo. Tuhane echi, Tata, etu twalombo mu Lijina Iya Yesu.

¹⁷³ Kaha namitwe yetu yakunongama, echa tushinganyeke tando yayindende. Pwenu kaha mukulomba, vavavwovu.

Umwe watete kufwa ha punga ya Shipilitu Wajila,

Apwile Yowano Mukakujimika, oloze ikiye afwile nge muthu kaha;

Jino Mwata Yesu ejile, vakiko Ikiye vamusukikile,

Ikiye anangwile nge Shipilitu mwaya nakulwila vathu kufuma mushili.

Jino vakiko vashile malolwa Setefwane, ikiye anangwile ha shili,

Vakiko, shikaho kupihilila, vakiko vashikile mutwe wenyi;

Oloze ikiye afwile mu Shipilitu, ikiye atulile shipilitu,

Kaha ayile nakuliwana naveka, vase vatulile shipilitu.

Kuze kwapwilenga Petulu na Paulu, kaha Yowano apwile naukalunga,

Vakiko vahanyine kuyoya chavo chikuma kuli ou Mujimbu wa mwaza unahase kuminyika;

Vakiko vasungile manyinga avo, nge tupolofweto vamwaka, (Ize yinapu Mbuto, kuyanjiisa.)

Shikaho Lizu lya muchano lya Kalunga
vanahase kumulweka.

Kuze kwapwilenga myono kwishi ya kamenga,
nakulila, “Palanga namwaka uka?”

Mwomwo Mwata kushijika vaze vanalingi
mwakuhenga;

Oloze kulinakuya nakupwa hiya mwaya
nakuhana chiyoyelo cha manyinga enu

Mwomwo Mujimbu wa mwaza Shipilitu Wajila
kaha anapu achila.

Kutwalilaho kusotoka na manyinga, eyo, echi
chili nakuhita manyinga,

Ou Mujimbu wa mwaza wa Shipilitu Wajila uli
nakuhita manyinga,

Aze manyinga atumbaji vaze vafwilile
Muchano,

Ou Mujimbu wa mwaza wa Shipilitu Wajila uli
nakuhita na manyinga.

¹⁷⁴ [Ndumbu walunga Branham kungunguta *Echi chili Nakuhita Manyinga*—Muka.]

¹⁷⁵ Ove Kalunga! Twaya, Mwata Yesu! Tutunge jino shimbu etu tuli vakulikehesa kumeso a Ove. Mbata chihandwa chosena kufuma muviyoyelo vyetu, kufuma kumichima yetu, shimbu chize—chize kuyema cha Shipilitu kusoloka kupwa na meso amulatu. Kalunga kumbata Lizu Lyenyi jino na meya Echi. Etu twawahilila nge Ove unamujingilika etu, Tata, kupwa vakakuzata vamu Mujimbu wamwaza.

¹⁷⁶ Etu twalombo ha kala kutonda cha liuka. Etu twalombelela kafunga ketu wakuzanga, Ove Kalunga; ngamba wakushishika, kanda kukoka, lwola lwosena wakulizanga kuya. Hanjika kumuchima wenyi, lelo, kaha echa ikiye atachikize nge kuli fweto yayinene ili nakuvandamina kuze mwomwo vaze tufunga vakushishika omwo vakiko navakunguluka kuze kusali ikwavo na vaze vakusokola.

¹⁷⁷ Kisula tufunga vakwavo, kaha va mishonali, kaha mamembala ja Mujimba wa Kulishitu, kwosena. Tukonekele etu milonga yetu, Mwata.

¹⁷⁸ Kaha jino kachi kuli kutonda mumichima yetu, Mwata, keshi Ove ko, shimbu Ove uli hano, tukisule? Kachi kuli misongo mukachi ketu, Mwata, muthuumwe nahase, uze ejile muliuka lyalindende lelo, kaha vakiko vatalile kuze kaha vakiko vamwene Kavali, talenu kuze kuli Mbuto ivene. Kuze Satana ashinganyekele nge nahase kwenyeka Echi na kufwa, oloze Kalunga amusangwile Echi cheka. Kangweshi kuhasa kuchilingako! Kalunga ashikile lushiko, kaha Kalunga kutwama na lushiko Lwenyi. Kaha kala lushiko luli lwa muchano. Ove washikile Kuyoya cha Hayamyaka, kaha etu tuli Nacho. Etu

tunevwu Echi. Kuli Chumachimwe muli etu, kutambuka, nge etu katweshi kuhasa kulumbununa. Ove Kalunga! Mukachi ka ukalu, etu tuli nakwivwa Chumachimwe kukwata kunyima kuze, “Twamenu kaha kulu.” Nyamanganda pamo kuveta ize Mbuto, ize mbopolo pamo kupwa lilolwa lyalindende ha chiyawu. Ove muya nakutunga jila, mwishi, nakujinguluka, mokomoko kuhichila muli echi, mujila yimwe. Shikaho, etu tuli vakusavala kufumbukila eli Lizu, Mwata.

¹⁷⁹ Ngwalombo jino nge kachi muthuumwe ali nakuviza mukuliwana, nge eyi Shipilitu, eyi ili muno muzuvo hano vene, kutambuka nakwiza muzangi yayinene, kuhanjika, “Mwana Nami, ou ikiye Yami. Yami Tata Uze atengele ove. Ngwapwilenga Umwe Uze anehele vize—vize vyuma kufuma mumavu, uze akutungile ove kupwa omu uli. Šatana ali nakweseka kupwa kumulimo Wami. Mbata lushiko Lwami, mwana.”

¹⁸⁰ Kaha echi kulomba cha lufwelelo Ngunahane, kufwelela nge Ove uli hano. Echa mavoko Ove, Mwata, olola kala muchima, na misongo yifume hali vathu. Ngunatenukila liyavolo; uze liyavolo kushindakanya, uze liyavolo wawoma, uze liyavolo wa kuviza wamuyachi ngachize. Ove wambile ngwove, “Mu Lijina Lyami vakiko navakatapula vandemone.” Mu kulinunga namuno muliuka, kaha eyi Shipilitu ya chimene, etu kutapula kala liyavolo kufuma kuli vathu; mangana etu tuyenga kufuma hano, chitoma, ha Mulambu wa Mwata Yesu, nge omu tuli mukulikehesa etu tunetavila Echi.

¹⁸¹ Tukisule muze lika nakuzata. Tukisule mukala chuma etu natulinga. Yako na vakakuzata na vakakwambulula mujimbu wamwaza na va mishonali, kuvihela vyavo, Mwata. Tuhane likumbi limwe nge etu natuya nakuliwana na—na mahinji Ove. Kahajino etu natuya nakuhaka luheto lwetu hamavu. Kalunga, vakiko navaya nakupwa vyakufwanyisa. Kuli nakuya nakupwa muthu utoma, uze muthu wangengu, uze muthu ulava. Vosena hamwe, etu natuya nakuhanjika, “Mwata, hano vakiko vali.” Likumbi muka lya kuwahilila naliya nakupwa! Echa tuzate shimbu linapu likumbi, ha ufuku kwiza omwo naumwe muthu mwahasa kuzata. Etu twalombo eji jikisu mu—mu Lijina lya wakuzanga lya Mwana Kalunga, Yesu Kulishitu. Amena.

Vyuma vyosena vinashiwa, fwelela kaha;
Fwelela kaha, kaha . . . (Chuma muka echi?)
Vyuma vyosena vinashiwa, fwelela . . .

¹⁸² Vangahi vanatondeka, kaha vanahase kufwelela hano vene? Enu namuya nakuzundula livoko lyove, hanjika, “Jino Ngunatambula.”

Jino Ngwatambula, jino Ngwatambula,
Vyuma vyosena vinashiwa, jino
Nangukatambula;
Jino Ngwatambula, jino Ngwatambula,

Vyuma vyosena vinashiwa, jino
Nangukatambula.

¹⁸³ Jino echa tunongamenu mitwe yetu katando kakandende jino. Twalilaho lika, ndumbu wapwevo, ha kalyalya, kachi enu namuya. Enu namutambula Ikiye?

¹⁸⁴ Ove ngwove, "Ndumbu walunga Branham, Ngunapunga nakuviza lwola. Kuze kunapunga chumachimwe kusoloka nge Kangweshi kuhasa kufungululako. Vangulombebele, hali muthu ukawenyi."

¹⁸⁵ Echi chamwaza, ndumbu walunga, ndumbu wapwevo, oloze ove washinganyekele chuma muka echi? Elu lunapu lushiko lwalundende lwakuhana ove. "Vyuma vyosena vinashiwa kuli uze afwelela."

¹⁸⁶ Ove kaweshi kuhasa kumbila echi hazevene mu Kavali chimene chino ko? Kwachilila nakusongo hano, ou Shipilitu uze kukuhana ove. Kumbila echi kwingila mu Kavali, kaha kuhanjika, "Kuze chikungo chami chakwata. Jino Ngunatambula, hano vene. Echi chili kwosena, hano vene. Chipwethuhu chumamuka nachisoloka, hano vene chikungo chami cheji kukwata mukachi ka lihina, kaha Nanguya nakutambula chuma Ngwalombo. Ngunatachikiza Nguli nacho. Lizu lya Kalunga ngwalyo ngocho. Kaha, Kalunga, Nguli nakutala kuli Ove jino." Pamo enu kulizakamina, ukalu wamwali, kalamwosena chili. Chipwethuhu chuma muka echi, kuchimbila kuze ku Kavali.

Mwomwo vyuma vyosena—vyuma vyosena
vinashiwa, fwelela kaha.

¹⁸⁷ Echa echi chingile, mukuyema. Echi kacheshi chamwazako? Luno lunapu lwola lwami lwa kutanga. Eli Lizu vanalitumbu, mwamono, jino Kalunga alinakutukumwina Echi. Kaweshi kuhasa kwivwa chize nge-...nge kupwa, kwivwa kana cha kufuma Kumeso a Kalunga, kupwa nakwiza nakushikumuka, kutumwina Chize, kuhanjika, "Jino, hano, mwana, Ngwa—Nguneza na Lizu Lyami. Ngunavumbika Lizu Lyami. Ngwatalile hali Chize, likumbi na ufuku, kaha Nguli nakutukumwina Echi jino mumuchima wove. Kaweshi kuhasa kungumbata Yami na kufwelela Yami?"

Mwomwo vyuma vyosena (Ika?) vinashiwa,
fwelela kaha.

¹⁸⁸ Yami! Omu chawaha! Omu chawaha, kwingila, kwivwa meya kwiza nakushikumuka ha Jimbuto! Chuma muka echi? Eyi Mbuto ya kwoloka, Vayimbile mumuchima wove. Eli linapu Lizu lya Kalunga. Eyi ikiko Mbuto. Ou ikiye Shipilitu Wajila. Ize Mbuto ize Kalunga ashikile mukuputuka. Ove unapu Mbuto ya Apalahama, ha kupwa wakufwa muli Kulishitu, kaha kumbata Mbuto ya Apalahama kaha kupwa swana kutesekesa na lushiko. Ou Shipilitu Wajila ejile nakufuma mu Mbuto ya Apalahama,

echi nachikulingisa ove kupwa vana vama lungu na vama pwevo va Kalunga.

¹⁸⁹ Jino, ou ikiye Shipilitu Wajila a meya luze lushiko luze enu namumbata hanyima chindende, hakuka chove, ha ulwilo wove, kutambuka kanawa, hawoma kufuma muli enu, mwomwo kala enu namutonda; hali uze ungeji nakushikumuka kulitungu, lya uze ungeji wakuya kulifuchi lya va Isalele; kuliuka lyove, chihela chove, kala kwosena chili, kuzuvo yove. Ou ikiye Shipilitu Wajila kuhanjika, “Uze ikiye Yami. Nguli na ove. Yako lika. Nguli nakutwaminyina mujila. Enu, enu twalilaho kutambuka. Mukiko Yami.”

Kuli Uchi muli Lilolwa mwomwo ove;
Seza shili jove mwomwo Manyinga ali
nakufwika,
Kuli Uchi wami mu Lilolwa hali ove.

Echa twimanenu.

Mamalelo, kuya nakulovoka mujijila
nakungenge jila,
Kunangula eli Lizu . . . (Ngukwechi kalachuma
ove unatondo kuhanjika?)

Kuhanjika kuli kala ndumbu wakuholoka,
Kuli Uchi wami mu Lilolwa hali ove.

Mamalelo, kuli Uchi wami mu Lilolwa,
ndumbwami walunga.
Kuli Uchi muli Lilolwa mwomwo ove;
Seza jishili jove mwomwo Manyinga ali
nakufwika,
Kuli Uchi wami mu Lilolwa hali ove.

¹⁹⁰ Jino, tala, kanda kutonda ove kuseza. Ngwatondo enu kumona muthuumwe kwimana hakamwihi na ove, kulimeneka livoko lyove, hanjika, “Kalunga akukisule, ndumbu walunga,” mokomoko ndumbu wapwevo, kala wosena ali. Alumuka kaha nakujinguluka. Echili chili chindende kupwa mbalaka ya vikungulwilo. Etu tuli kaha muungeji, vathu vakulipwila. Chosena chakwoloka.

Mbata Lijina lya Yesu na yove,
Mwana waushona na kuseha;
Echi nachikuhana kuwahilila na kuvendejeka,
Mbata Echi kwosena ove muya.

Lijina lya Mwaza, (Lijina lya Mwaza!),
Mamalelo omu lyayema! (Mamalelo omu
lyayema!)

Lutalililo lwa mavu na kuwahilila cha Mwilu;
Lijina lya Mwaza, Mamalelo omwo lyayema!
Lutalililo lwa mavu na kuwahilila cha Mwilu.

Jino kalamuthu tala eyi jila jino.

Ha—ha Lijina lya Yesu kunongama,
 Kuholoka ulukutu kumahiji Enyi,
 Mwangana wava myangana wa Mwilu
 mwakaya nakumuvwika Ikiye muchama,
 Omwo ungeji wetu naukakuma.

Lijina lya Mwaza, (Lijina lya Mwaza!),
 Mamalelo omu lyayema! (Mamalelo omu
 lyayema!)

Lutalililo lwa mavu na kuwahilila cha Mwilu;
 Lijina lya Mwaza, (Lijina lya Mwaza!)
 Mamalelo omu lyayema!

Lutalililo lwa mavu na kuwahilila . . . (. . .)

¹⁹¹ Jino shimbu etu twanongama mitwe yetu kuli Mwata Yesu. Echi chinapunga kusokoka chachinene, chilika chachinene, chilika cha pendekosita ha Lizu na vyuma vya Kalunga, hali Shipilitu Yenji Wajila. Etu twatondo kulomba kukisula cha Kalunga hali vandumbwetu vamaunga vaze vali nakuya muwande jino, kaha Kalunga kuzangwiza vakiko kuya mukwoloka. Etu kuhana enu lushiko; etu natuya nakupwa nakulomba hali enu, ndumbu walunga, kaha ndumbu walunga. Mapwevo javo, vamwe vavo vakuzanga, kushinganyeka chuma muka vakiko mapwevo vali nakuya nakuhita. Ngunatachikiza, hali pwevo lyami.

¹⁹² Kuli mapashita hano, Ndumbu walunga Jackson, kaha—kaha Ngwashinganyeka Ndumbu walunga Beeler kunyima kuze, kaha tufunga vavavulu. Teddy kunyima kuze, mukakuzata wamukweze. Vavavulu veka vali hano, etu twalombo kaha kukisula cha Kalunga. Ndumbu walunga wamukweze hano, kufuma ku liuka lya Kalunga, mangana etu tumone musana uno. Etu twalombo kukisula hali ikiye, mukakwambulula mujimbu wamwaza, Ngwafwelela echi chili. Keshi ngochoko, ndumbu walunga? Lijina lyove lika? [Uze ndumbu walunga ngwenyi, “Morgan.”—Muka.] Ndumbu walunga Morg-... [“Morgan.”] Morgan, Ndumbu walunga Morgan. Kupwa kaha wakuwahilila chikuma kupwa navo vosena hano!

¹⁹³ Kaha, jino, shimbu etu twanongama mitwe yetu jino kuli Ikiye, na kutala. Kuli ndumbu walunga wakulikehesa kwimana kunyima ya zuvo. Ikiye kukoka litemba, Ngunevwushisa, kuzauka lifuchi. Vavavulu muli vakiko kutachikiza ikiye nge “Kapolofweto Yowano.” Etu kumusanyika ikiye “Ndumbu walunga John,” kujinguluka hano. Lwola lwosena apwilenga na kalemesa ka muthu. Oloze, likumbi likwavo Ngwapwile nakutambukila masepa jami vamwe, uze ikiye ndumbu walunga... Ndumbu wapwevo Jimmy O’Neal, kuze ku Sellersburg. Uze napu isewenu wa Ndumbu walunga na Ndumbu wapwevo Green. Vakiko vali muno chimene chino. Kaha Ndumbu walunga John napunga hembo lyavo, kaha vakiko vangelwekele chuma muka Mukakulishitu wamwenemwene

ikiye apwilenga. Kaha vakiko kunguhana chiyoyelo chenye, cha chuma ikiye avalwekele vakiko, kaha omu ikiye ejile nakuhita mu vyeseko vyavinene. Kaha ikiye apwile na jila yayikalu. Kaha etu natuya nakumuhula ikiye, chimene echi, kachi ikiye mwaya nakumwanga echi chikungulwilo, na kulomba kukisula chenye kufuma kuli Kalunga, hali echi chikungulwilo. Ove unahase kulinga echi hali etu, Ndumbu walunga Johnny? Nge omu enu namunongama mitwe yetu. Kaha, Ndumbu walunga John, kachi ove muya nakutumwanga na kulomba. 🐘

56-1230 Kuliwana Cha Yosefwa Na Vandumbwenyi
Branham Tabernacle
Jeffersonville, Indiana U.S.A.

LUVALE

©2026 VGR, ALL RIGHTS RESERVED

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tachikizenu lisesa lyakufwatula

Kulama lisesa lya kufwatula. Ou mukanda vanahase kuufwatula kumakina akuvulisa a hembo kupwa wakuzachisa kuli muthu hakapanji kenyi mokomoko kuhana kweka, wa wana wakanyombo, kupwa chitwa chakutanjisa Mujimbu wamwaza wa Yesu Kulishitu. Ou mukanda kavatela kuulanjisako, chipwe kuyitunga yayivulu chikuma, chipwe kuyihaka ha peho ha website, kuyitulika muze vanahase kuyifumisa, kulumbununa mu malimi eka, mokomoko kuuzachisa kupwa jila yakutambwilamo mali chakuzeneka lisesa lya kusoneka kufuma kuli vaka Voice Of God Recordings®.

Mwatondo kutachikiza vyavivulu mokomoko vyuma vikwavo, kaha sonekelenu ku:

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org